

籌辦夷務始末

籌辦夷務始末卷之四十二

道光二十一年辛丑十二月甲午。浙江巡撫劉韻珂奏。竊臣於十二月初二日戌刻。據慈谿縣知縣王武曾稟報。探聞逆夷二千餘人。於十一月二十九日。駕坐火輪杉板等船數十隻。自甯波駛往奉化等情。臣查奉化在甯波之東南。本年九月間。曾有夷船至縣屬之方橋地方。探量水勢。當時退出。業經臣恭摺奏報。並因該縣在曹江之外。僻處一隅。並非衝要。浙省兵數無多。不能處處派撥。飭令該縣團練義勇。協同汛兵自行保衛。於摺內據實陳明在案。嗣該逆又兩次駛至縣境。因疑官兵

在彼埋伏。在廟宇各處。搜尋查探。亦皆登時退去。並未逼近縣城。今該逆復又前往。人數眾多。顯有攻擾縣城之意。該縣額設汛兵。皆分駐各處。其雇募之鄉勇團練之義勇。不足千名。難資抵禦。當即飛咨提臣余步雲等。就近在曹江派兵前往救援去後。至初四日子刻。即據該縣金秀堃稟稱。是日申刻。探知夷船入境。即會營帶領鄉勇。馳往堵禦。趕至離城二十里之小江口。時已昏夜。逆匪均已登岸。該縣見眾寡不敵。繞道回城守禦。詎該逆業已入城。兵丁寥寥無幾。義勇散處各莊。呼應不及。當即投河自盡。經鄉勇民人救起。請即撥兵救應等。

情。臣接聞之下。不勝髮指。正在奏報間。復據慈谿縣探  
稟。夷船已於十二月初一日。自奉化退回甯波。旋又據  
該縣金秀堃稟報。伊遇救得生後。即會同把總汪長清。  
帶領兵勇。協力堵逐。適各莊義勇同時到齊。伊與汪長  
清分領入城。繞至署後。打倒後牆。鎗礮齊發。竭力攻擊。  
汪長清等分頭趕往小江口。焚燒夷匪船隻。該逆聞知。  
恐絕其歸路。蜂擁出城。伊復率眾追趕。該逆即下船遠  
遁。伊回城中查看衙署倉庫。多被焚掠。居民亦被騷擾。  
監犯先本提在城外古廟管押。被該逆尋獲。縱放數名。  
等情前來。臣查該逆東衝西突。飄忽無常。深堪痛恨。察

其說計。魏由夷性多疑。惟恐我兵分路進剿。是以先則  
屢至縣境。茲又直入縣城。以探我虛實。其前之攻犯餘  
姚。蕩縣。亦即此意。現在該逆業已退出。如果兵力厚集。  
自應派兵前往守禦。以為亡羊補牢之策。無如浙省現  
在各兵分守要隘。尚形不足。該縣逼近賊巢。少遣兵則  
仍難捍禦。多遣兵則無可派分。臣再四思維。似應仍令  
士民團練義勇。自行守衛。以免逆夷復往滋擾。至該縣  
金秀堃稱於夷船入境之際。至小江口堵禦。因逆夷業  
已登岸。繞道回城。致該逆先入城內。情殊扭捏。其所稱  
當時投水自盡。還救得生。亦難憑信。竊又稱逆夷之退

去。由於該縣與把總汪長清率領兵勇入城攻擊。並欲  
燒其船隻之所致。查浙省自逆夷滋事以來。官軍未嘗  
少挫其鋒。該縣兵勇無多。轉能將逆匪逐退。似非情理。  
且既用鎗礮轟擊。該逆曾否拒敵。有無傷亡。稟內並未  
敘及。難保非因逆眾退出。藉詞支掩。欲彌其咎。惟此時  
若遽行撤任。叅辦該縣。轉可置身事外。得卸艱鉅之任。  
應請將該縣金秀堃。及把總汪長清。一併先行摘去頂  
帶。俟查明確情。從嚴叅究。以肅功令。仍嚴飭安撫居民。  
並查衙署倉庫焚掠情節。暨勒掣被放各犯。分別辦理。  
硃批所見是。

劉韻珂又奏。再逆夷前有攻犯奉化曹江上虞。並由海甯犯省城等處之謠。現在奉化已被竄擾。又據各屬探稟。該逆在甯波備有可以扛擡之烏山小船數十隻。並有在定海廣購油燭之事。查烏山船可以駛入內港。而油燭係屬夜間備用。其內犯之心。業已顯露。曹江省城等處。固屬可慮。上虞距甯波尤近。更恐其先行衝突。查海甯至省城沿塘一百餘里。兵力尚單。至上虞曹江一帶。兵數雖多。但其怯懦情形。業已屢次陳奏。屬困不敢謂兵力竟不可用。更不敢謂兵心皆已足恃。五中焦灼。莫可名言。連日疊次咨行各提鎮。及在防文武。督飭兵

勇。認真嚴守。備遇逆夷竄入。即行痛加轟擊。勿蹈履轍。如敢稍有退縮。即當以軍法從事。斷不姑容。並因臣已言之屢屢。恐各將備視為具文。不足以提撕警覺。復咨請將軍參贊復行申飭。以期挽回積習。藉保嚴疆。

硃批。汝之焦急情狀。朕已洞悉。有將不可恃。有兵不可用。文職以投水遇救。襲為護身之符。而又多方掩飾。深堪痛恨。汝一到任。即遇有事之秋。非汝之過。汝其殫心竭力。一切軍需襄助。揚威將軍。速殄逆氛。克復郡縣。朕將酬庸之。不暇。尚其臬汝乎。勿為過慮。勉之又勉。毋負朕意。

諭軍機大臣等。昨據奕經文蔚奏。噶逆竄入奉化。旋復退出。已



降旨將該縣知縣金秀懿及營員一併摘去頂帶。並飭令奕經等會同劉韻珂確切查明。嚴行懲辦矣。本日復據劉韻珂馳奏奉化被擾情形。內稱該縣知縣稟稱率領兵勇入城攻擊。以致逆夷退去。殊難憑信。著奕經劉韻珂仍遵前旨。派員查明。啖逆來去實在情形。分別辦理。至逆夷東衝西突。飄忽無常。屢至縣境。總係探我虛實。現在浙江兵勇無多。俱各分守要隘。若再多派兵勇。分赴奉化等處。轉恐要地兵力單弱。不足以資防勦。該撫所見甚是。著即照議。仍飭令士民團練義勇。自行守衛。其曹江及甌子門等處。皆為內地咽喉。防守不可稍懈。總當加意籌畫。毋令顧此失彼。又另片奏探得逆

夷有由曹江上虞。並由海甯犯省城等處之語。復備有烏山小船數十隻。廣購油燭。冀欲內犯等語。此項小船。既可駛入內港。即應設法嚴防。勿墮奸計。曹江一帶。有段永福帶兵防堵。其與海甯逼近之甌子門。業經委經將現募壯勇千餘名。撥往守禦。並為將來潛赴甯鎮地步。是該撫所稱逆夷將欲攻犯之境。我兵皆有準備。特慮各兵沾染畏葸習氣。不能十分得力。著奕經劉韻珂等。激勵眾心。示以賞罰。儘稍有退縮怯懦者。即以軍法從事。一俟大兵雲集。便可分路進剿。速戢大功。朕日盼捷音之至也。

丁酉

諭軍機大臣等。現當軍務喫緊之際。非賞勸不足以激士氣而  
勵軍心。昨降旨發去翎枝等件。並諭令楊威將軍等。隨時將  
有功員弁兵丁。敘述事跡。保奏施恩。諒已宣諭軍中。同深歡  
忭。惟念軍營用人之際。流品不齊。而得力之處。又不能拘定  
一格。其有勞績頗著者。不可不優加賞賚。立見施行。俾羣相  
觀感。愈形踴躍。惟軍營得賞之人。攜帶重資。轉覺不便。若不  
明示以信。又恐阻其奮勉之心。茲先行發去新製武功賞牌  
七百五十張。註明銀兩數目。計銀七萬兩。交奕經等祇領。其  
有爭先出力。奮勉立功者。著即覈其功之大小。隨時酌量分  
別賞給。並於執照內注明。俟大功告竣後。或由戶部。或由各

省藩庫驗明支領。該將軍等務即曉諭軍民人等。及時自奮銳意圖功。以副朕鼓勵軍心有加無已至意。

辛丑。揚威將軍奕經參贊大臣文蔚奏。竊於十二月初十日。承准軍機大臣交出。道光二十一年十二月初四日。內閣奉

上諭。用兵之道。貴乎紀律嚴明。賞罰必信。著揚威將軍等查明失守各城。首先逃走之將弁兵丁。嚴切訊明。即照軍法從事。惟犯法者既正刑誅。立功者當膺懋賞。茲特發去內庫花翎五十枝。藍翎五十枝。搬指八十箇。翎管四十箇。小刀九十把。火鏢七十五把。六品頂六十箇。七品頂八十箇。著珠勒亨等

帶往軍營。交揚威將軍奕經等祇領。其將備兵丁。及收羅異材。並檄調各省官弁人等內。如有拔幟先登。不避鋒鏖。斬獲夷目者。該將軍等即將頒去各件。優加賞賚。仍敘述事跡。據實保奏。朕必破格施恩等因。欽此。又十二月初四日奉

上諭。金應麟奏火器圖說一摺。又另片密陳用計破船之法。是否可行。著即悉心籌議。隨時陳奏等因。欽此。又十二月初五

日奉

上諭。劉韻珂奏逆夷退出餘姚。闖入慈谿。並餘姚失守情形一摺。此次逆夷侵犯。統計在船登岸不過二千餘名。我兵數足相當。

且有城池。鍛位。主客勞逸。形勢瞭然。乃既不能衝鋒擊賊。復不能嬰城固守。一見逆夷。輒即紛紛潰散。以致該逆肆意滋擾。如入無人之境。國家安用此債軍之將。失律之兵耶。江西所調官兵。如此臨陣倉皇。不戰先遁。尤堪痛恨。現據該撫飭司確查。派員密訪。著奕經特依順文蔚。迅飭查明。首先潰散之兵。即於軍前梟首示衆。其望風奔竄之將弁。亦即查明參奏。請旨正法。其餘姚縣知縣彭崧年。投河遇救一節。仍著劉韻珂確查具奏。至該逆現有欲犯曹江奉化省垣之語。特依順現已抵浙。著即會同劉韻珂相機酌辦。現在曹江最為扼要。應如何添兵駐守。著即妥速籌商辦理等因。欽此。竊查浙省防守官兵。雖數逾四萬。

江西及本省官兵大半怯懦無能而提標水師兵弁又全係收回散卒其眷屬仍在甯鎮定海等處此等失律士卒不惟不堪調遣且其情叵測尤宜加意豫防至該省民人本皆柔脆所募鄉勇更多無業游民而官不加察又不免虛充名數其中稍為壯健者亦皆講明止助聲勢不能接仗是鄉勇雖有九萬餘人仍與無人無異又況逆夷詭詐性成刻下滋擾餘姚等處皆係殘燬官署擄掠富戶並不加害貧民是以無賴匪徒因而為彼引導且藉以肆意搶擄等再四商酌賊情既如此猖獗土匪又藉端滋擾現在曹江一帶雖有江西及浙江本省兵丁而聞風先遁積

慣成習。若不及早撤回。嚴加創懲。將來各省勁兵。未免相率效尤。惟江西兵現係二千。本省及收回散卒。又有五千餘名。一旦全行撤退。恐上虞曹江一路太覺空虛。且人數較多。若無統兵大員。豫為彈壓。尤恐滋生事端。是以等前次接奉

諭旨。查訊余步雲。並潰散兵丁。即將此等情形。詳細具奏。又於餘姚失守時。浴會特依順劉韻珂嚴密查明。何員首先奔潰。現尚未據浴覆。等語。擬請將此項官兵。暫行緩撤。一俟四川或陝甘兵到浙。即令其徑赴曹江。擇要屯紮。一面令其防堵。一面由大員彈壓。即將江西及浙江兵丁陸續全行



撤回仍遵照前

旨。分別情節輕重。從嚴辦理。俟進兵之時。即以此路接替防堵。勤兵。作為前敵。再撥續調弁兵。為其接應。以強換弱。易守為攻。轉移之間。較為妥便。但川兵及陝甘兵丁。前已報有起程日期。而疊次札催。迄今尚無入境確信。此時曹江一路。甚為喫緊。總兵段永福。業已飭令前往。會同余步雲加意防堵。並節次嚴飭該提督及藩司鄭祖琛等。嚴加防守。毋使逆夷闖入曹江一步。勒以優賞。怵以軍法。該員等現加激切。憤發訓練。縱逆夷突來。諒該員等不敢再蹈故轍。等現復將奉到

上諭。凡浙江辦理防堵之處。均恭錄知照。俾令震懾。

天威感戴。

聖恩。現在行營將士。莫不歡欣鼓舞。敵愾爭先。其諸路防守官兵。具有天良。自當力加振作。惟查曹江帶兵大員。余步雲。既係屢退之將。陳階平。年逾七旬。精力漸衰。總兵李錡等。又多未親歷戎行。刻下雖一時激勸。將來進兵之時。究恐不足深恃。查浙省武職大員。陳連祖。現駐乍浦。該處甚為緊要。黃巖。溫州兩鎮。又時報有夷船在彼處洋面游奕。似亦未便札調。惟查金華協副將朱貴。曾出師回疆等處。於營務頗為熟悉。應飭該員前往曹江。協同段永福辦理防堵。

事宜。進兵時即令其分路帶兵前進。似為得力。至現在曹江之文職大員。祇有鄭祖琛一員。該員前曾稟稱患病。照料未能周到。擬令臬司蔣文慶前往會同料理。即為大兵後路糧臺。於進剿事宜。更為周備。近日浙省探報。又有逆夷欲犯上海乍浦之語。雖係訛傳。究不可不為豫備。現已咨會牛鑑加意防守。並飭駐守乍浦文武各員。教練士卒。嚴密堵禦。等因。現布置一切。漸有頭緒。已於十二月十一日帶領兵勇移駐嘉興地方。此處為江浙適中之地。既於杭州省城道路較近。消息易通。去乍浦則僅止九十里。逆夷如來滋擾。即就近督率剿辦。距江蘇上海亦止二百餘

里。若該處有警。仍可飛馳應援。惟杭州為浙省根本重地。前聞逆夷有欲由海甯內犯省城之謠。人心未免疑懼。李特依順統領官兵一千六百名。駐紮萬松嶺。已足為省城屏蔽。李奕經文蔚。猶恐海甯一路兵力單弱。業將募到河北勇壯精選八百名。札飭遊擊謝天貴等管帶。前往暫行屯紮。以為應援。此項義勇。原擬為埋伏內應之用。前次借防守海口為名。即密令由海路潛往。在各城內外埋伏。以待大兵到時。起為內應。業已陸續分頭前往。大約此刻甯鎮二城。暗伏約有一百餘人。惟定海一縣。孤懸海外。必須先覓有僻靜扼要地方。以便分遣精細義勇。潛藏內應。前已

與該處密約。並令本地村民導引接應。現尚未獲確信。船隻亦未齊全。約計十餘日內。均可停妥。便當分布差遣。並查西興渡在錢塘江岸。為由省前赴曹江要路。現又於續到勇壯內。酌撥五百名。派員管帶駐紮。以為省城南路聲援。兼可接應曹江後路。將來以川陝各兵。由省渡江。此路勇壯。或令潛往各城。以搗其巢。或令為官兵前驅。以當其銳。均可免臨期調撥。耽延時日。至現奉

諭旨。令李等酌商調兵。竊思浙江鄰近之兩江。湖北等省。兵力柔弱。檄調來浙。仍屬無益。山東福建。均有海口。需兵防堵。未便調動。河南兵額本屬無多。李等前已調到一千。兩江總

督牛鑑現又奏調一千。防堵上海。似亦不便再行徵調。其餘各省。雖兵力精壯。惟距浙較遠。前次所調川陝兵丁。稟報起程日期。業有兩月。尚未報到。此時若續行奏調。誠恐道路寫遠。緩不濟急。李等查現在募到之河北壯快民勇。均屬強壯堪用。因思浙省明年糧艘減運。其水手俱係河北一帶民人。素稱強悍。其人終歲駕船於水性亦多熟悉。如招募此項水手。作為鄉勇。雖每日口糧銀兩。較官兵稍有加增。而委員自行招募。既無須沿途供應。將來何時凱撤。即何時令其自回本幫。較之調撥各省官兵。往返供應。轉為節省。且此等水手。多係不安本分之徒。明歲減運。餉

口無資亦恐滋事。此時招募來營既可得力。並可免其滋擾地方。似覺一舉兩便。現已派委妥員就近雇募。李等仍查明足數攻勦之用。即行停止招募。設招募不足。將來萬一勢須調兵。再當奏明請

旨徵調。庶不令各兵徒勞往返。而於帑項亦稍可節省。再少卿金應麟密奏夷船形式及用計破船之法。李等前於抵蘇時。曾懸一密陳軍務牌示。諭以如於軍務夷情有所聞見。令其密封投櫃聽候採用。如該少卿所陳各情亦頗有見及陳說者。特以接濟夷人食物必須甯鎮民人設口音不對。即致生疑。而該處民人又多係漢奸。未必可靠。李等熟悉

密計。未敢輕率施行。至火器圖說。等細加翻閱。查與火龍  
經金湯十二籌等書。大同小異。其中所載各器式藥方。等  
等前曾採擇演試。不能盡效。刻下製造火器。亦間有採用  
者。其餘容等。等細心選擇。如有實效。再行製造。等現在  
暫駐嘉興。江浙兩路。皆可策應。俟大兵到齊。船隻備妥。定  
海一路。布置周密。務使水面牽制夷船。使不敢深入上海。  
方免顧此失彼之虞。屈指計算。為期不過一月內外。即可  
三路進剿。明攻暗襲。仰賴

皇上天威。不難一戰克復。淨掃夷氛。

硃批。所奏俱妥。務操必勝之權。一鼓蕩平。喚逆以膺懋賞。而奏殊



勲。勉之慎之。即有密諭。

諭軍機大臣等。本日奕經等奏行營移駐嘉興。並緩撤兵丁。酌撥義勇一摺。覽奏均悉。俱著照所議辦理。江西浙江兵丁大半怯懦無能。著俟四川陝西兵丁到浙。即陸續裁撤。臬司蔣文慶。金華協副將朱貴。均准其派往曹江協同防堵。並辦理後路糧臺事宜。所募河北勇壯。妥為布置。務須加意體察。勿令漢奸濶入走漏消息。且定海孤懸海外。應如何內外夾攻。總俟該處覆有確信。即行相機勦襲。浙省明年糧艘減運。擬用水手作為鄉勇。可免滋擾地方。所見亦尚周到。惟此項水手。強悍性成。全在用之得法。方不至別滋流弊。惟在該將軍等通盤籌畫。計出萬全。

謀定後動。一戰奏功。朕伫望捷音之至也。勉之。

閩浙總督怡良已革閩浙總督顏伯燾福建巡撫劉鴻翱奏竊臣怡良於抵閩後會同臣顏伯燾臣劉鴻翱悉心籌議並飭沿海州縣確查海口深淺以夷船能否駛進分別最要次要通籌堵禦之策福州為省會重地雖有五虎門天設之險而水勢深廣難言有恃無備漳泉興化臺灣等府無不濱臨大海至海壇金門銅山南澳廈門則皆孤懸一島形勢險要而廈門商賈往來較他處更為喫重該逆恃其船堅礮利任意肆擾凡有潮汐可通無不駛往窺伺得意則為害滋多失利則揚帆遠去我無可敵之船相當

之礮。與之海上爭鋒。則來去自如。無從沮遏。計惟誘之登岸。據險設伏。於礮所不及之處。則舍其所長。就其所短。庶幾殲厥醜類。因察看各口險要。逐一布置。其水陸標兵。及招募新兵鄉勇。均經分派大小海口。密為防堵。於可以登岸處所。挖溝挑濠。購線往誘。並設法使之不疑。期於一經登岸。便可痛剿無遺。無如該逆狡黠異常。不肯遠離上岸。則在水既無把握。而在陸又不能入我彀中。臣等萬分焦灼。百計圖維。力求制勝之方。莫若周圍之策。惟袤延海岸。徧守為難。絡繹軍儲。供支不易。則曠日持久之慮。不可不豫為計及。況廣東浙江與福建三處兵興。經費浩大。斷不

能盡應一處之用。則籌畫須當合計。方無顧此失彼之虞。即據現在閩省軍需。極加樽節。僅能支至來春。而地方瘠苦。州縣無不疲累。非若他省可籌緩急之比。是防堵一端。亦覺茫無底止。臣等再四商酌。進勦既須造船鑄礮。雖令迅速趕辦。一時未能應手。則所集民勇水勇。祇備守禦之用。似當量口隘之次第。分安設之多寡。逐漸減撤。不致多費口糧。一俟船礮齊全。然後相機進勦。則勞逸正變。占風占水。方可自作主張。不似岸上設備。一成不易。蓋擊逆船於風濤上下之中。十礮未必中五。彼於船上擊岸上之兵。祇須向人多處亂放。其難易固灼然可見也。現在嚴飭各

沿海州縣遵

旨團練。各設團長。並令各鄉聯為一氣。遇有緊急。立時赴援。擇其精壯情願調遣者。隨時認真操演。則守望相助之情。與同仇偕作之思。並行不悖矣。現飭通查各海口礮位。凡舊存新鑄。是否足資守禦。遺失若干。一面趕緊添鑄。以備派撥。及師船之用。惟所造戰船。必須另改章程。務求堅固。能載四五千斤以上大礮者。數十號。則彼以更番取勝。我亦有船接替。至於出奇制勝。自在統兵之官。臨時調度。雖有大幫踵至。亦可有備無患。已飭熟悉水師文武員弁。採木督造。目前雖若繁重。而日後巡哨。藉收實濟。固可一舉兩得。

且一經進剿之後。勢必戒備無時。非若陸路用兵。可以剋期掃穴也。至水勇一項。馬巷同安等處。濱海而居。善泅水者不少。欲其勇往直前。視公戰如私鬪者。未能人人皆是。且須諳練紀律。方可驅為行陣之用。業經飭令水師教演。並從標兵中挑出力能舉重之勇壯過人者。於泉州附近海汊中。學習水戰。該兵丁於陸路已經訓練。再練出海。駕駛爬桅跳船之技。學至能耐風濤。十分便捷。然後分押水勇攻剿。則散漫之中。咸歸統率矣。

丙午。浙江巡撫劉韻珂奏。竊臣於本月十八日。接據海鹽縣知縣何煦綸稟稱。十七日未刻。據縣屬救海廟地方防

守兵勇稟報。瞭見雙桅夷船四隻。小船數十隻。駛入乍浦。所轄之彩旂門洋面。當即馳往查勘屬實。內有一船上冒白煙。似係火輪船。又有一船駛至該縣洋面。頭南尾北。似係泊潮情形。離海口僅止二十里等情。且查乍浦密邇定海。上年七月間。曾有夷船一隻。駛往窺探。彼此開礮轟擊。我兵勇間被傷斃。該逆船隻亦被我擊中。始行退去。本年定海失守以後。臣知該逆必前往滋擾。時切隱憂。今該逆果又竄往。其船隻視去年為數較多。該處並無險要可遏。且防守之兵勇。未厯行陣。殊為可慮。幸揚威將軍奕經。參贊大臣文蔚。先已將河南兵八百名。調駐嘉興府城。與該

處相距匪遠。現已准將軍等咨會。聞報之後。即派兵押送器械。前往策應。且該將軍等駐紮嘉興。一切機宜。更可就近指示。或不致即有疏虞。惟乍浦與海鹽縣接壤。海鹽又與海甯州接壤。海甯州以上。即屬省垣。江海相通。瞬息可達。該逆屢有赴省滋擾之謠。今該逆所帶小船甚多。又有一船係屬南向。或分踪侵犯。或竟自乍浦直犯省垣。均不可定。現在湖北山陝安徽等省兵三千二百名。並本省酌添各兵及沙民等。均在省城內外分所駐防。並經揚威將軍等派勇前來協防。聲勢尚不為單。惟參贊特依順所帶之兵。與將軍等續派各勇。難保不另有調遣。而塘岸邊關。



水陸洞達。兵丁聞有夷船。多懷驚惶。誠恐臨敵倉皇。臣現已咨呈將軍等。及飛飭乍浦防守文武。嚴加堵禦。一面會同參贊大臣。特依順懸六重賞。激勵弁兵。義勇沙民。實力防範。如果逆船駛入。即行痛加轟擊。以保疆圉。

劉韻珂又奏。再逆夷於十一月十六日。攻陷餘姚。旋即退回甯波。業經臣先後奏蒙

聖鑒。嗣於十二月初九日。復據代理餘姚縣事衢州府司獄林朝聘稟報。初七日申刻。逆夷又駕火輪杉板等船十數隻。駛至該縣城外停泊。維時該縣因鄉民被土匪搶掠。在彼查勘。聞信馳回。見城內居民。因無船避難。羣相聚哭。而縣中

兵勇寥寥無幾。勢難抵禦。憤懣交迫。擬即親赴夷船。諭以大義。斥令退回。以安黎庶。如被該逆所害。亦屬甘心等語。臣以該員以佐雜微員。乃志切救民。欲身赴虎口。查逐奸兇。洵為勇往。惟該逆性類虎狼。誠恐其罹於毒手。不勝懸系。旋於初十日復據該員稟稱。發稟後即帶同水勇陳美金等四人。前至該逆船。令陳美金等先行過船。詢以因何屢次前來驚擾。即據隨來之漢奸答稱。此次並非前來滋擾。因前此獲有江西弁兵六名。特來送還。並稱餘姚縣現係林姓。如係林則徐。即行送出。陳美金覆以並非其人。該逆即寫夷字二紙。交陳美金勒令送閱。該員查看並未認

識。隨與陳美金等親上夷船。與船內白夷問答片時。彼此不通一語。旁有漢奸一人。係甯波口音。復言該逆此來。並無滋擾之意。白夷當欲將該員帶回甯波。陳美金以現在縣中土匪甚多。須該員在縣彈壓。時縣民百餘人在岸觀看。亦同聲稱欲該員回署。該逆隨將該員放回。開船而去。至夷字二紙。已稟送揚威將軍等查閱。並據另稟江西弁兵六名。該員親見其上岸等情前來。臣查該員奮不顧身。親至夷船詰責。雖該逆之退。未必即由該員查問所致。但該員不避艱險。毅然前往。頗有膽略。殊屬可嘉。至江西弁兵。既被該逆所獲。乃半月之後。復行送回。其情殊為詭譎。

該弁兵自乘船登岸。為林朝聘所目擊。而現准九江鎮臣李錡咨稱該弁兵等六名內。鄭啓榮係廣信營外委。餘五名係各營兵丁。前此與逆夷接仗之時。查無下落。至十二月初八日。該弁兵等自行回營。詢因被逆夷擒獲。帶回甯波。禁在民房。初六日該弁兵乘間逃出。奔回軍營等情。載與林朝聘所稟不符。臣現已札飭前任福建藩司鄭祖琛。移提到案。切實研訊。分別覈辦。

劉韻珂又奏。再本年秋間。定鎮等處失守之後。重兵外潰。民庶內驚。通省情形。甚為岌岌。省垣因緊接尖山海口。民間尤屬震擾。經臣竭力安撫。團結沙民義民。並將陸續調

集之安徽浙江等兵。扼要分防。人情稍為鎮定。嗣揚威將軍等駐紮蘇州。又將湖北及山陝等兵。交參贊大臣特依順統領。在省駐守。省中恃以無恐。然逆夷時有赴省攻擾之謠。人心終屬不安。故揚威將軍等。又將所募河北義勇。分派赴海甯及蕭山所屬之西興地方。以資捍衛。茲准該將軍等照會。以夷船竄至乍浦。擬乘虛遣兵直搗甯波。令臣飭屬豫備船隻。並令曹娥江防兵會同進剿等因。臣已飛飭豫備伺候。查該將軍等到蘇以後。所籌攻剿機宜。臣先未知悉。至本月初旬。始據隨帶司員聯芳楊熙。及調赴軍營差遣之浙江候補通判王壽箴等。向臣密告大概。言

將軍等擬於乍浦慈谿及定海之岱山等處募備船勇柴薪為焚燒定鎮甯三處夷船之策。又將雇到之各省鄉勇及調到之各省兵丁。或作為奇兵。或作為正兵。分路夾擊。期於三處同時並舉等語。其如何布置。如何攻剿。臣尚未深知底蘊。軍務事宜機密。逆夷耳目最多。臣亦不敢探詢。茲該將軍等因乍浦來有夷船。甯波勢必空虛。欲遣兵直搗其巢。自必豫籌勝算。惟戰守相因。進戰必先守固。儻擊敗之後。該夷尚留遺孽。難保不到處奔突。以冀一逞。省垣地處緊要。且夷船近在乍浦。必須格外嚴防。查浙省歷次奉調江甯江西安徽湖北河南陝甘四川山西等省。滿漢

兵丁一萬一千餘名。除陝甘四川等兵。尚未到浙。江甯江西等兵。派守曹江。河南等兵。現在嘉興外。計省城所有客兵共三千三百名。內湖北兵一千名。安徽兵六百名。係臣派撥分防。又湖北兵一千名。山陝兵六百名。係特依順統領鎮守。至本省滿漢各兵。雖有二千餘名。然均非勁旅。實不足恃。現在所倚以為用者。全在客兵。此即儘數留守省垣。尚恐無以禦敵。若一經撤動。則聲勢單弱。竟難免意外之虞。臣現已咨呈將軍。請將在省各兵。仍留防守。緣根本重地。人民百萬。兼有藩運兩庫。脫有疏虞。關係甚鉅。至臣前於十九年十一月間。在四川染患舌左麻木左體偏枯。

之證。醫治不愈。至二十年七月間。業經稟允督臣寶興代奏開缺。尚未發摺。即蒙

恩命。擢撫是邦。臣以浙省正值多事之秋。不敢惜身力。疾赴浙任。事年餘以來。臣勉支持。心力交竭。且自八月至今。外患內患。交相侵擾。衣不解帶。飯不能嚥者。難以日計。焦勞憂慮。幾難名狀。故古麻日甚。右腰塌陷一穴。且右耳閉塞。諸事健忘。更覺萬難撐拄。雖杭州官紳。均所深知。臣總未敢冒瀆。

天聰。當此危急存亡之際。復又何敢言病。然亦不敢始終隱蔽。惟人因字誤有竭殫血誠。盡心守衛。儻省城苟有不測。即當拚此病軀。



決不退守以報

高厚鴻慈於萬一

劉韻珂又奏再正在拜摺間據杭州協副將轉據河莊訊千總等稟報本月十八日申刻有逆夷火輪船二隻駛進海甯州尖山口內旋即退出等情查火輪船為該逆前導今突入尖山顯係測量水勢窺探虛實冀圖內犯省垣除會同參贊大臣特依順督率兵勇晝夜嚴密防禦並飛咨揚威將軍等一體飭防外合並附片陳明

諭軍機大臣等。本日劉韻珂奏。夷船竄至乍浦洋面。現已飛飭堵禦。及另片奏。逆夷火輪船駛進海甯州尖山口內。旋即退出等。

語該逆雙桅夷船四隻。小船數十隻。於本月十七日。駛入乍浦。所轄之彩旗門洋面。十八日復有大輪船二隻。駛進海甯州尖山口內。顯係窺探虛實。冀圖內犯。省垣為根本之地。毗連海甯。而海鹽又與乍浦接壤。逆船已至乍浦。漸欲內犯。是欲固守內地。必先於扼要口岸。併力防堵。勿令乘勢竄入。夷經前已派撥壯勇千餘名。在甌子門堵禦。現在又派兵押送器械。前往策應。夷船或不敢內竄。至省城除本處滿洲綠營各兵二千名外。又有客兵三千數百名。俱歸特依順劉韻珂統領調遣。加以沙民義勇。人數雖已不少。未必悉為勁旅。當此喫緊之際。自不可分其兵力。致令單薄。特依順劉韻珂惟當激勵兵勇。諭以大義。儻

能殺賊立功。必膺重賞。至奕經文蔚。現在因乍浦來有夷船。欲乘虛直搗甯波。自應集思廣益。斟酌盡善。然後一鼓前行。計此時各省所調弁兵。應已陸續到齊。務須確有把握。計出萬全。戰守悉得其宜。奇正皆可制勝。朕日盼捷音之至也。又另片奏代理餘姚縣事司獄林朝聘。親赴夷船。諭以大義。斥令退回。以安黎庶等語。以微員而能勇敢。尚屬可嘉。著將軍等查明保奏。施恩至江西弁兵六名。既被逆夷獲去。何以復行折回。著查訊實在情形。是否係逆夷送回。抑係該弁兵乘間逃出。該逆曾交水勇陳美金。夾字二紙。是何文理。亦著譯出一併具奏。

戊申。提督銜福建臺灣鎮總兵達洪阿。按察使銜福建臺

灣道姚瑩跪奏。竊照臺屬淡水之雞籠口官兵。於本年八月十六日。擊沈夷船一隻。生擒斬馘夷犯一百六十五人。奪獲夷礮圖冊。提郡審辦緣由。業經臣等恭摺具奏在案。茲據臚舡營參將邱鎮功。淡水同知曹謹稟報。九月初五日辰刻。又有三桅夷船一隻。在雞籠口外停泊。初掛紅旗。繼換白旗。於是日申刻駛進萬人堆。欲放杉板入口等情。臣等以夷情詭詐。觀掛紅旗。則其意在攻戰。何以忽換白旗。顯係佯為欲和。探聽虛實。查該處口內三面環山。形勢頗峻。有險可憑。夷礮猛烈。自當避其所長。當經密飭營縣於山上分藏礮位。如果不能取勝。即照督臣通飭堅壁清

野之法。憑險埋伏。待其登山殲擒之一面。將口內居民暫行遷避去後。茲據艋舺營參將邱鎮功。淡水同知曹謙。委駐雞籠之澎湖通判范學恒。先後稟報。添調兵勇赴雞籠山上各要隘。暗設礮位。分別埋伏把守。該同知又調精練鳥槍屯丁二百五十名。分駐雞籠滬尾兩口協防。該夷船自初五日酉刻。駛至萬人堆。先放杉板二隻進口。窺探聲言索還前獲夷人。每名願送洋銀百圓。該地居民咸受約束。不與回答。又見我兵勇不動。遲疑久之。至十三日辰刻。該夷船突進口門。直撲二沙灣礮臺。大礮齊發。其屬猛烈。我兵亦即開礮回擊。署守備許長明。外委伍雲升。在三沙

灣之鼻頭山。見有登岸夷匪。其勢甚兇。立即開礮擊斃二人。衆始退出。惟礮臺石壁被其攻破。二沙灣及三沙灣兩處兵勇住房亦被礮火燒燬。迨至日暮。該兵勇等退守要隘。該同知復添調總理姜秀鑾帶領精練烏槍壯勇一百名。及擺接八芝蘭等堡壯勇亦均到助戰。探聞口外龜頭洋面尚有夷船放礮等情。正在批行間。十九日戌刻復據營廳稟報。十四日早。我處添調兵勇屯丁俱已到齊。該夷匪見我人衆山險不敢仰攻。已於是日午刻駛逃出口。同口外夷船竄向外洋北去。風狂浪大。不便追擊。查勘礮位有損壞五門。尚可修復。口內停泊波字二號哨船一隻被

火延燒。兵勇亦有受傷數人。尚無損失。拾獲夷礮鐵子十餘枚。重二三十斤不等。各等語。臣等查此次夷船。雖因見我兵勇眾多。山形險峻。不敢登岸仰攻。駕駛竄去。而報復之心。未必遽息。當更加意嚴防。

達洪阿姚瑩又奏。再前獲夷犯一百三十三人。先經臣等會派文武員弁。分起提解來郡審辦。又據淡水同知曹謹。舢舨營參將邱鎮功稟報。先於拏獲夷人之後。巡查至雞籠口門左邊烏踏石山下。有自刎夷屍二具。一白夷卧石上。一黑夷卧石下。白夷頭戴黃金冠。胸前掛金絲帶。帶尾綴金絲墜十二箇。身著紅呢戰甲。內襯白細綢褶衫。及油

綠壇褲。腳穿五色織絨鞋。面白無鬚。頭髮黃紅捲縮。其為  
擊碎夷船之頭目無疑。黑鬼頭戴黑皮冠。狀如僧帽。身穿  
紅色貼身氈衣。及油綠氈褲。似係夷奴等情。臣等查該夷  
屍。自即係船破時自行投水之白夷。既已自盡。應無庸議。  
硃批。所辦可嘉之至。

諭內閣。達洪阿等奏擊退夷船一摺。本年八月。噶逆駛進臺灣口  
門。經該鎮道等督飭兵勇。擊沈船隻。擒斬夷匪多名。當降旨分  
別加恩。茲據奏稱逆夷復於九月間。乘駕三桅船隻。至淡水雞  
籠口滋擾。該逆突進口門。直撲礮臺。大礮齊發。勢甚猛烈。經我  
兵開礮回擊。三沙灣地方。復有夷匪登岸。其勢甚兇。亦經我兵



開礮擊斃二人。衆始駕駛逃竄。逆夷兩次侵犯臺郡。該鎮道等  
均能督率兵勇奮力攻擊。兩月之內連獲勝仗。甚屬可嘉。達洪  
阿著賞給騎都尉世職。姚瑩熊一本均著賞給雲騎尉世職。在  
事出力各員弁兵勇義首人等。著據實保奏。候朕施恩。傷亡弁  
兵。查明咨部照例賜卹。

諭軍機大臣等。達洪阿等奏續擊逆夷兵船一摺。覽奏欣悅。噶逆  
此次續來滋擾。開礮攻破石壁。經我兵開礮擊斃登岸夷匪二  
人。該逆見人衆山險。駛逃出口。竄向外洋北去。惟噶逆前次創  
鉅痛深。此次詭稱贖還前獲夷人。開礮肆虐。又被官兵據險擊  
退。該逆犬羊成性。未必不仍圖報復。設或大幫匪船再行豕突。

而來。不可不先期防範。前經諭知達洪阿等嚴密防備。並令王得祿回臺協剿。會銜奏事。計此時王得祿當已抵臺。著達洪阿等和衷會商。妥籌一切戰守機宜。務須層層布置。計出萬全。斷不可稍存輕敵之見。致涉大意。所議挑取民勇。作為新兵。分配各營支領歸伍等情。所辦均好。著即照議辦理。其自盡之白夷一名。著該鎮道提到現獲逆夷匪。訊明究係何名。是否即係此次在船賊首。取具確切供詞。隨時具奏。

己酉。揚威將軍奕經參贊大臣文蔚奏。竊等。等於十二月二十日。承准軍機大臣字寄。道光二十一年十二月十四日。奉

上諭。奕經等奏。喫夷竄入奉化。旋復退出一摺。甯波距奉化僅九十里。該知縣既探有夷船南駛之信。何以尚令鄉勇散處四鄉。並不於衝要之處防禦。以致該夷入城滋擾。現雖退出。而地方官及弁兵等。或則聞風潰逃。或則投河遇救。習成故套。甚屬可恨。著奕經等會同劉韻珂。確切查明。嚴行懲辦。奉化縣金秀塾著先行摘去頂帶。並將該縣營員一併摘去頂帶。均聽候查訊。毋稍寬縱。又據奏先撥義勇。暫屯海甯口岸。行營即日移駐嘉興一摺。著即照議。選擇諳習水性健壯之人。在平湖乍浦一帶。暗伏各處。設逆夷有犯上海之信。即乘虛攻其巢穴。使不能北渡。彼時水陸夾攻。甚易得手。至鼉子門逼近海甯。尤宜防守。著

即撥往現募勇壯千餘名。以資策應。該將軍等現赴嘉興。僅逆  
夷竟敢竄入錢塘江內。著奕經等即帶兵由乍浦追入江口。掩  
其歸路。此時兵勇僅數調遣。自應先其所急。務須妥為籌酌。毋  
令顧此失彼。前經降旨。諭以兵丁如不敷調撥。即奏調陝甘所  
備精兵。迄今未據覆奏。著奕經等酌量現在情形。果否須調。速  
行據實覆奏等因。欽此。等因。除將奉到

諭旨。恭錄知照。並行知特依順牛鑑劉韻珂一體遵照。奉化縣知  
縣金秀堃等。均摘去頂帶。聽候查明嚴辦外。竊等前次  
奏明。浙省明歲糧艘減運。即在糧船水手內招募勇壯。暫  
可無須調兵。今已募到水手約有千名。即交杭嘉湖道宋

國經等就近管帶豫備調撥。並令先行一面防守乍浦等處。現仍飭委員陸續招募。又川陝河南各兵所帶餘丁。尚可挑出七八百名。合計兵勇數目。除浙江已派防守官兵鄉勇不計外。此次進勦兵勇。現已共有一萬三千餘名。可以無庸另籌徵調。等。等。已於十二月十三日。移駐嘉興。因川陝官兵。未據報有入境確信。特差侍衛營員。執持令箭。沿途迎催前進。旋於十九二十等日。陝甘頭起兵七百五十名。四川頭起兵三百八十名。先後赴營報到。其餘各兵。亦陸續報有入境日期。祇因河路窄狹。行走難速。約半月內。均可到齊。除等。等。前次具奏。將募到勇壯分駐海甯八

百名。西興渡五百名外。現將後到勇壯一千餘名。及川陝官兵一千一百三十名。催令分起撥往曹江前進。其現在募到崇明水勇。將及二千名。亦俱屯紮平湖一帶。以便乘勢下海。至渡海釣船。已雇有二百餘隻。其餘內河小船柴船。亦約有二三百隻。尚有雇募未齊船隻。及趕造火器等件。均於半月內外。即可全備。李等臨時相機攻剿。務期布置周密。不至顧此失彼。惟逆夷近知大兵將次進剿。故作鴟張之勢。不但訛言進攻曹江。內犯省城。又復揚言自廣東新添兵船多隻。連日船挿紅旗。在各洋面往來遊奕。無非欲為牽制我兵。不及前進之意。本月十八十九等日。據

乍浦副都統長喜。及海鹽縣知縣等稟稱。本日辰刻。瞭見  
逆夷火輪船一隻。二桅船一隻。由東南大洋駛入乍浦洋面。  
並隨後釣船數十隻。現已分帶兵勇。實力堵禦等情。前來  
等。等查前次札派委員。所募水勇一千餘名。現均屯伏於  
乍浦平湖等處。即使夷船登岸。諒能協助乍浦兵勇。合力  
奮擊。並飭該處鎮道及所派委員等。諭以我兵不可排列  
海岸。直當夷礮。總須在暗中潛伏。俟彼登岸。再於迎面攻  
擊。並從兩旁截殺。方能得手。仍恐兵弱勢單。復派三等侍  
衛容照帶領陝西營官兵四百名。前往助剿。並一面飛咨  
牛鑑於上海等處。小心堵禦。以防逆夷駛入去後。即於二

十一日。復接該副都統等報稱。喚夷火輪船。及雙桅夷船。駛進乍浦。見我兵伏列不動。未敢停泊。攏岸。惟距口門十數里。往來旋轉。直至日暮。齊向東南外洋駛去。瞭望無蹤。兼查明後隨釣船數隻。即係粵等委員由岱山各島雇募船隻。現已進岸停泊。各等因。粵等伏查逆夷。惟恃水路近便。故敢倏忽去來。情實叵測。現已嚴飭沿海各路。雖逆夷已去。仍宜小心防守。實力堵禦。查浙省東北兩面。處處臨海。將來大兵進剿。必須三路齊攻。水陸並進。使之在受敵。始可令其不暇他顧。但該處港汊紛歧。道途狹隘。並多有盤壩換船之處。必須先為寬備船隻。搭造浮橋。大兵方可



進行。其省局備辦軍械錫帳等件。尤須精利妥實。現雖有  
特依順劉韻珂在省城一帶督飭照料。仍恐未能周到。且  
川陝各兵。即日到齊。渡江後。即擬撥赴曹江。換撤該處浙  
江提標及江西防守兵丁。並預令各勇壯潛向各路埋伏。  
所有彈壓調撥。更關緊要。等語。通盤打算。現在乍浦一帶  
夷船雖已退去。難保不復來遊奕。兵勇船隻既多未齊全。  
亦未能向定海一路先行埋伏。等語。經暫駐嘉興催趲兵  
勇。按次前進。並為乍浦及上海兩處應援。等文。計即於二  
十五日。督兵前赴省城調撥一切。等語。經一俟大兵到齊。  
乍浦一帶防堵事宜。辦理周密。並密將暗伏定海一路船

隻水勇調撥停妥。俾令牽制夷船。不敢徑擾上海等處。以免再有東顧之虞。亦即超赴杭州。與特依順文蔚商酌。或分或合。相度機宜。分路進剿。硃批。所辦俱妥。

奕經文蔚又奏。再。等前因差用乏人。奏請將吏部主事陳宗元等調赴軍營。仰蒙

恩准。等。何敢再行瀆請。唯。等文蔚未經帶有隨員。現擬先至杭城。一切文案。無人襄理。查有告假出京之吏部學習主事何紹瑾。工部學習主事劉兆璜。適在江蘇。該二員係。等文蔚本年會試所取之士。人尚明白。可否准令帶赴軍營。襄

理文案。出自

皇上格外

天恩。

諭軍機大臣等。本日奕經等奏。川陝各兵前起已抵浙境。並夷船沿海駛竄。旋復退去一摺。覽奏均悉。此次進剿兵勇。據稱已有一萬三千餘名。毋庸另籌徵調。川陝各兵陸續已到一千一百餘名。與後募之勇壯分起撥往。曹江前進。並將崇明水勇。屯紮平湖一帶。以便乘勢下海。鈞船及趕造火器。均於半月內外即可全備。所辦俱屬周妥。著奕經等臨時相機攻剿。務令布置嚴密。不致有顧此失彼之虞。至逆夷訛言散布。復在洋面遊奕。意

欲牽制我兵。不即前進。現經該將軍調度。諭令將弁。不可以我兵排列海岸。直當夷賊。總須暗中潛伏。俟逆夷登岸。再行兩旁截殺。復派容照帶兵前往乍浦助剿。種種布置。尚合機宜。該逆船隻駛進乍浦。見我兵伏列不動。不敢停泊。旋即駛去。可見運籌有方。必可制勝。該將軍等仍遵前旨。斟酌盡善。計出萬全。然後一鼓前行。迅奏膚功。以膺懋賞。其川陝各兵到齊後。即擬撥赴曹江。換撤浙江提標及江西防守兵丁。所見甚是。文蔚現已督兵前赴省城。據片奏未經帶有隨員等語。吏部學習主事何紹璣。工部學習主事劉兆璜。均准其帶赴軍營。隨時察看。如果得力。即行留備驅策。儻無裨益之處。仍著飭令回籍。

籌辦夷務始末卷之四十三

道光二十二年壬寅正月辛亥。浙江巡撫劉韻珂奏。本  
月十八日。據海鹽縣稟報。十七日有夷船四隻。駛至乍浦  
洋面。當經臣諄飭各屬。嚴加堵禦。一面於十九日恭摺馳  
奏。並因拜摺之際。據報該逆火輪船二隻。於十八日竄入  
海甯州之尖山海口。復經附片陳明在案。旋據海甯州稟  
報。該逆駛進尖山口之船。在十三堡地方對出海中停泊。  
即於酉末戌初。乘潮退出。向東駛去。並據駐防乍浦之升  
任定海鎮總兵署湖州協副將陳述祖。杭嘉湖道宋國經  
稟報。十七日辰刻。有夷船二隻。後帶杉板船釣船多隻。駛

近乍浦。窺探多時。向夕駛去。旋又向東駛轉。擄去在洋停泊之東洋商船內人二名。桶子船內人三名。即揚帆駛向東南。十八日該鎮等瞭見該船在秦駐山停泊。十九日辰巳之間。仍復駛回乍浦。至酉刻直向東南駛去。並准乍浦副都統臣長喜咨同前由。聲明十九日瞭見該逆火輪船在乍浦洋面往來採水等情。臣查前此海鹽縣稟報據稱共有夷船四隻。今該逆駛入尖山者兩隻。駛至乍浦者兩隻。與海鹽所稟數目雖屬相同。但乍浦之船忽東忽西。按其行蹤似乎尖山之船。即係乍浦之船。但洋面遼闊。島嶼森羅。兼之連日陰雨。煙霧迷茫。各該處所稟俱係在遠處

瞭探情形。究竟該逆自定海駛至之船。是否實有四隻。抑止兩隻。殊難確指其數。該逆於十九日。自乍浦駛向東南。現在乍浦以西各洋面各處。並未稟報續有夷船蹤跡。自已退回甯波鎮定等處。惟該逆此次東西飄突。且擄去內地船內之人。又在乍洋往來採水。其情叵測。難保無糾約大幫。侵犯乍浦。及深入尖山口內。滋擾海甯省垣之意。防範更應從嚴。現會同參贊大臣特依順。及督飭各處在防文武。嚴密防堵。

諭軍機大臣等。劉韻珂奏逆船自乍浦退回一摺。據奏逆夷駛近乍浦。擄去內地船內之人。揚帆駛向東南。乍浦以西各洋。並未

續有夷船等語。覽奏均悉。現在逆夷各處遊奕。來去無定。意圖牽制我兵。文蔚現已督兵赴省。調撥一切。仍著劉韻珂會同特依順文蔚嚴密防堵。毋致疏虞。

乙卯

諭軍機大臣等。福建廈門等處防堵情形。疊據該督撫奏報。惟浙江現籌勦辦。其得手之後。難保逆夷不竄回閩省。且該處係逆夷曾經滋擾之地。設或復行竄入。應如何防勦。不致再有疏虞。自應早為布置。其鼓浪嶼夷船。現在尚有幾隻。應如何相機攻剿。沿海礮臺土壘。是否修整完竣。著怡良劉鴻翱悉心籌畫。斷不可因循玩視。致誤事機。



丁巳

諭軍機大臣等。據福建舉人黃蕙田呈。進平夷策畧。內稱逆夷由安海放桅而來。日食乾糧。不敢然火。其地黑暗。須半月日始出口。方至息辣。裝載糧食而行。過廣南境七日而至廣東。又逆夷素畏廣南。廣南人善沒水。昔紅毛呷板船誤入廣南灣。該國以小舟數百人。背竹筒攜細縷沒水。密釘細縷於呷板船底。遠槳牽拽。船心淺擱。火焚而取輜重。今紅毛呷板以不見廣南山為戒等語。逆夷赴粵經由之路。果否有安海息辣等項地名。夷船既須放桅。其地又復黑暗。則路徑窄狹。有妨掛礙。可知著祁項等。確切查明。據實具奏。

又

諭前據怡良等奏商辦夷務情形一摺。閩省各海口。布置兵勇。並團練鄉兵。教演水勇。及造船鑄礮。均係應辦之務。惟前奏自係該督與顏伯燾等公同商辦。現在怡良已簡放。閩浙總督責無旁貸。著再通盤籌畫。會同劉鴻翱另行妥議具奏。總以得收實效。毋託空言為要。再據福建舉人黃蕙田呈進平夷策畧各條。其言是否可採。著怡良劉鴻翱公同商酌具奏。該舉人現已回籍。原呈著鈔給閱看。

辛酉。揚威將軍奕經參贊大臣特依順文蔚奏。十二月二十八日。承准軍機大臣字寄。道光二十一年十二月二十

二日奉

上諭。本日奕經等奏。行營移駐嘉興。並緩撤兵丁。酌撥義勇一摺。覽奏均悉。俱著照所議辦理。所募河北勇壯。妥為布置。務須加意體察。勿令漢奸涸入。走漏消息。定海孤懸海外。應如何內外交攻。總俟該處覆有確信。即行相機勦襲。浙省明年糧艘減運。擬用水手作為鄉勇。可免滋擾地方。惟此項水手。強悍性成。全在用之得法。方不至別滋流弊等因。欽此。仰見我

皇上聖慮周詳。慎密機宜之至意。竊查川陝官兵。自十二月十八日起。連日陸續行抵浙境。鄂均催令按起前進。除陝甘末起兵二百五十名。四川末起兵三百名。尚未報到。其餘均

已到省。所募江北河南勇壯。約有三千之數。亦俱次第令其先赴曹江。由牙等派妥安員管帶布置。分伏各城。現在漸有頭緒。又嘉湖各幫募到水手一千三四百名。現已分屯乍浦一帶。用資防守。惟此項水手。多係不安本分之徒。牙等特札管帶各員。嚴為管束。無任滋生事端。刻下尚屬安靜得力。惟乍浦濱臨大海。地勢散漫。較之鼈子門尤為緊要。現有本省滿漢官兵三千餘名。水手勇壯一千餘名。並有先後雇募潛赴定海。豫備暗襲之。崇明各路舟山各島勇壯。約五千餘名。分屯乍浦平湖各處。現在足資守禦。但崇明舟山各勇。現已陸續渡洋。即日均須赴定。其本省

守兵雖有三千。大半輟弱。恐難深恃。是該處僅有新募山東勇壯一千餘名。堪備防堵之用。未免尚形單弱。因暫將陝甘省甘涼漢中各營弁兵六百餘名。撥往乍浦一帶。連前次撥往之山陝兵四百名。一併令帶兵官總兵德坤督率扼要屯紮。兼令東顧上海。西援海甯一路。與江浙為犄角之勢。現在兵勇漸集。聲威日重。惟連日探報。夷船在沿海洋面。東去西來。並不停泊。又在定鎮兩處。操演技藝。安設火礮。將火礮鉛子。搬上小船。並將所掠民間財物。亦搬運上船。打造船械。又閉門不知打造何物。不令人窺見。如夷目郭士立。羅伯提。馬哩噠等。此往彼來。三城換住等情。

稟報不一。每日數至。其為力圖抵拒。或欲往各處出擾。分我兵勢。均未可定。抑或連竄出洋。亦不可不慮。現在惟有將曹江一帶。前次潰兵。趕緊撤換。催令大兵前進。若逆夷或從別路繞竄尾綴。則後路尤宜整勁。現在努奕經於本年正月初一日。趕領河南兵一千名。星夜馳赴杭州省城。調撥一切。努文蔚即日馳赴曹江。督飭撤換。先清後路。努奕經等隨後分隊前進。督兵攻剿。容俟努等將勦襲三城如何布置。通盤詳細籌定。酌有進兵日期。再行具奏。努等惟有仰遵。

聖明指示。一切機宜。小心謹慎。務期前後節節照應。計出萬全。蕩

平逆匪用以伸

天討而快人心。

奕經等又奏。竊查乍浦地方。最關緊要。前於十二月十七日。逆夷駛入雙桅船一隻。火輪船一隻。在乍浦洋面遊奕。等一面派撥兵勇相機攻剿。一面密派妥員。察看防禦情形。嗣據密報。總兵陳述祖所帶兵丁。彈壓不甚如法。以致兵心未能協服。連日傳聞之語。亦大畧相同。查該總兵陳述祖。係於本年補授定海總兵。復由浙江巡撫奏請駐守乍浦督防之員。今既彈壓兵丁。不甚如法。現當防守喫緊之際。未便因其尚無別樣實跡。稍事遷就。相應請

旨將總兵陳述祖撤回浙江省城防守。毋庸駐守乍浦。其所帶兵丁。自應揀員管帶。查有乍浦副都統長喜。任事既久。前於逆船駛近之時。統帶滿兵。尚能鎮定。相應請

旨將陳述祖所帶綠營兵丁。交該副都統一並管帶。以專責成。諭軍機大臣等。奕經等奏。大兵將次到齊。行營進駐杭城。並撥兵乍浦。兼資防剿一摺。奕經現領河南兵。馳赴杭州省城。調撥一切。又蔚亦馳赴曹江。督飭撤換。整頓後路。並擬分隊前進。督兵攻剿。布置甚為周妥。惟乍浦濱臨大海。地勢散漫。甚為緊要。本省守兵。大半輟弱。恐難深恃。除新募山東勇壯一千餘名外。已將陝甘兵六百餘名。撥往乍浦。連前次撥往之山西陝西兵四



百名。一併飭令總兵德坤督率扼要屯紮。著即嚴飭管帶將備東顧上海。西援海甯一路。與浙江為犄角之勢。不可顧此失彼。將來大兵前進。逆夷或從別路繞竄。是後路尤宜加意整勁。至逆夷船隻沿海遊奕。並不停泊。並將財物搬運上船。似此行蹤詭秘。非欲往他處滋擾。分我兵勢。即係遠竄出洋。惟此次命將出師。必須將該逆大加懲創。方足以寒賊膽而杜後患。各處要隘。已經防堵周密。毋虞竄入。惟在該將軍等豫為籌畫。乘機進取。俾逆夷首尾被擊。不致揚帆遠遁。庶可一鼓成擒。揚國威而膺懋賞。在此舉也。勉之慎之。又另摺奏。請將督防總兵撤回省城等語。總兵陳述祖彈壓兵丁。既不如法。著即照議撤回浙江。

省城防守。其所帶兵丁。暫交副都統長喜管帶。計此時哈拉吉。那岱。昌均已抵浙。著奕經於該二員內。揀派一員。管帶綠營兵丁。會同長喜辦理防剿一切。

壬戌。兩江總督牛鑑奏。竊照逆夷肆擾浙東。疊有警報。臣連接揚威將軍。函稱。剋日進兵攻剿。恐該逆竄來上海。已雇有水勇船隻。在江浙洋面。以為牽制之計。囑臣小心防範等因。臣查吳淞海口。株守土塘。慮蹈鎮海覆轍。已於東西礮臺及東溝地方。分紮四營。作為遊兵奇兵。期於彼此接應。業經奏明在案。茲遊擊陳平川。管帶河南奉調之兵一千名。已陸續齊集。臣派赴上海寶山兩縣道中之江灣。

地方屯紮大營。以為浙路應援。現在守塘弁丁。經提臣陳化成鎮臣王志元督飭操演礮位。晝夜瞭望。分班防守。頗稱嚴整。臣數月以來。細心體察。該逆之所以屢肆猖獗者。慣以大船巨礮轟我要隘。使我守礮兵丁不能站立。然後用杉板小船。渡其亡命黑鬼。乘突登岸。手執洋槍火箭。使我兵不能得手。閩浙失事。職此之由。今臣察勘海口土塘。儼如長城一道。塘上所築土牛。有似雉堞。其缺口俱安設礮位。臣擬令守塘之兵。貼伏於塘後土坡之上。守礮之兵。貼伏於土牛之後。接應之兵。埋伏於數里之外。彼若用礮亂轟。我只是寂然不動。彼之礮子。斷不能及我所伏之兵。

俟其礮火將竭。大船漸近。使我礮力可及。審定照星準頭。眾礮環發。賊必不支。夫逆夷性多狐疑。我軍果能示以鎮靜。彼必不敢公然登岸。萬一彼竟承突而登。此時守塘之兵。與夫接應之兵。儘可放心齊出。蓋匪徒既已上岸。彼必不肯亂用礮轟。然後或邀其前。或尾其後。先用虎蹲礮迎擊。破其洋槍火箭。次用擡礮鳥槍連環夾攻。自無不勝之理。且逆夷用杉板船渡其黑鬼登岸。不過數十百人而止。我軍以數千精銳接仗。亦何難聚而殲之。仰仗

皇上天威。斷不致有他慮。至上海為閩廣商船聚匪之區。吳淞為江海咽喉。不但商船出入稽查須嚴。即本省之沙漁等船。

亦應小心防範。臣面諭海關道。督飭該管營縣。迅加盤驗。照票放行。並責成各行夥常川往關。認保取結。已屬嚴密。又查漢奸行蹤詭秘。處處可到。不必盡由海船。上海人煙稠密。斷不能絕其混跡。商民探我消息。且此輩多係甯波奸民。各有手藝。不居客寓。前經該令劉光斗編排保甲。大街小巷。按段設有柵欄。選舉紳士八人。總司其事。又分設董事六十餘人。認段巡查。並密派守城之將弁兵丁。晝夜彈壓。仍切諭居民鋪戶人等。各自為守。不得聞警張皇自擾。務使層層有備。雖有奸民。亦無所施其伎倆。現准揚威將軍咨稱。浙江擊獲漢奸。供出在蘇州上海者共十八人。

業已查有端倪。惟逆夷以厚利誘致若輩。其貪利潛匿者。尚恐不止此數。若驟加按查。轉致民心惶惑。臣督飭該營縣等。慎密妥辦。兵法原有因間反間之法。要使無隙可乘。可擊者登時擊究。其有家屬可以維繫者。更可收為我用。隨時酌量辦理。總之攘外必先安內。立法貴於能行。臣仰蒙

聖恩。畀以兩江重任。當此海疆多事。惟有調和諸將。激揚士氣。申明紀律。信賞必罰。設有夷船窺伺。臣必親臨督戰。奮勇者破格優獎。退縮者登時軍法從事。以期將士用命。敵愾同仇。一洗向時怯懦之習。足以仰慰

宸廬。

牛鑑又奏。安慶營守備孫貴。倣明戚繼光遺法。製成虎蹲礮位。係熟鐵打成。長約二尺有餘。重不過四十斤。可裝鉛子百粒。臣親督驗試。能遠及三百步。其噴撒之寬。約可四五丈。一人肩負而走。隨地皆能施放。一桿可抵擡礮百桿之用。以之防守陸路。足資得力。且可破該夷之洋槍火箭。最為軍中利器。已飭該守備多雇匠役。加功倣製。現在揚威將軍進兵喫緊之時。臣先將製成之十尊。解赴浙江。以備攻剿。仍飭趕緊打造。期於多多益善。分撥守口弁兵演習。並可陸續運往大營。

殊批好極。俟用之得效。孫貴必當從優獎勵。

諭軍機大臣等。牛鑑奏河南弁兵陸續到齊。防禦海口。並稽查商船。嚴拏漢奸一摺。所辦均甚周妥。吳淞海口地方緊要。該督已於東西礮臺及東溝地方。分紮四營。作為遊兵奇兵。期於彼此接應。所調河南兵丁。亦派赴上海寶山兩縣通中之地屯紮。以為諸路應援。該督仍當嚴飭陳化成。王志元。督飭各兵操演礮位。晝夜分班瞭望防守。毋稍疏虞。至海口土塘上土牛。有似雉堞。缺口俱安礮位。各兵貼伏塘後。塘土務厚。該兵丁有衛身之具。自可益壯軍心。倍形勇往。務即曉諭各兵。儻該逆來時。開礮亂轟。須靜守勿動。相機間放數槍。礮以誘之。俟其礮火將竭。大



船漸近。度我礮力可及。再覩定準頭。眾礮環發。萬一承突登岸。守塘之兵。與接應之兵。四路齊出。連環夾擊。當可一鼓成擒。不留餘孽。該督辦理防禦。已有把握。朕心甚慰。仍當隨時體察。籌畫。毋涉大意。據稱浙江擊獲漢奸。供出在蘇州上海者共十八人。此等貪利悖逆之人。實堪痛恨。必應淨絕根株。方不致煽惑勾結。但恐驟加撻查。轉致民心惶惑。著牛鑑設法認真稽查妥辦。以除奸慝。而靖海疆。

癸亥。靖逆將軍奕山奏。竊擊於道光二十一年十二月二十二日。承准軍機大臣字寄。奉

上諭。奕山等奏覆查籌備情形一摺。著奕山齊慎祁墳各抒所見。

奴才跪讀之下。仰見我

眾議復

諭令各抒所見。不必會商。分摺密奏。渥蒙

天恩隆重。不加譴責。

賜矜全。仍令隱微得以敷對。牙若有一毫欺罔。不但難逃。

皇上洞鑒。即自問復何以為人。竊自逆夷退出省河之後。無一時敢於忘戰。然必須能守而後能戰。逆夷春間闖入。自沙角以至省垣。諸險盡失。根本不固。竊不敢以剋期竣功浮言。

上  
瀆

聖聰。冀諸事先求信心。做一步始敢說一步。若先時託之空言。臨時毫無實效。創之不劇。必至反噬。貽害地方。使粵中百姓復受兵燹之苦。康鈞債事。其罪彌深。以目前時勢而論。虎門六臺。不能不修。香港全島。不能不取。修臺而逆夷不阻。修成而後進攻。若逆夷進而撓阻。即旋修而旋攻。緣逆夷現據閩浙要隘。賊勢不能不分。即有海外新來援兵。非倉卒可至。乘隙堪以動工。儻由閩浙分船來救。二省逆船單弱。兩處官兵亦易恢復。亦牽制逆夷首尾之上計。惟各國恭順商船。為啖逆脅往同泊。玉石俱焚。恐樹他怨。反為之助。才暗派委員。令通事不動聲色。使其各自為計。乘間開

駛。以免株連。至進攻之法。戰船不能猝成。水兵難以得力。祇有招回漢奸。使為內應。聯絡香山。東莞。新安。沿海義勇。分頭埋伏。暗運火具。以備焚燒。逆夷若先入虎門。則斷其後路。搗其巢穴。可以內外夾攻。以快人心。惟尖沙嘴係裙帶路咽喉。九龍山為陸路要隘。均當設守。以應後路。現在香港漢奸頭目。傾心報効者。已有十之五六。原擬臘盡舉事。因各處密稟。尚未布置盡善。師期亦不敢豫定。恐有洩露。必須月黑順潮。出其不意。方可一炬而燼。粵中南風在。驚蟄以後。西江水漲。在清明之前。地利天時。均不可失。過此無及矣。至陸路兵勇。分守要隘。礮火。灰櫃。毒煙。神砂。廣。

為置備水路木排小艇。分撥火箭火礮火毯。教演拋擲。以便截剿。內地可以無虞。等因。

恩深重。具有天良。力之所能為者。斷不敢愛惜頂踵。上負聖主委任。自速愆尤。

參贊大臣齊慎奏。道光二十一年十二月二十二日。奉准軍機大臣字寄。十二月初八日奉

上諭。奕山等奏查覆籌備情形一摺。著奕山齊慎祁項各行所見。分摺密奏等因。欽此。才疏讀之下。曷勝悚惶。伏念才一介武夫。荷蒙

皇上

天恩擢任提督二十餘年。雖捐糜頂踵。不足仰酬。

高厚於萬一。今年春間復奉

簡命。作為參贊大臣。馳赴廣東會勦。因歲事稽時。資深愧憤。竊以逆夷猖獗。全恃船堅礮利。晝日夜暮思非伏兵出奇。並順風火攻。不足以制勝。嘗與靖逆將軍奕山設法布置。已將水戰器械。如銅礮鐵礮水雷火箭火船關艦木排。與燥荻枯柴桐油毒藥等物。製備齊全。現在挑選兵勇。擇其技藝純熟者。以為前敵。俟挑選事竣。新正風順。不拘時候。即水陸並進。督親身督率。激勵將士兵勇。相機攻剿。一獲勝仗。遂移營扼要。務使逆夷痛受懲創。不敢再行窺伺。庶

可上播

國威下安邊民以固海防而紓

聖鑒

兩廣總督祁項奏道光二十一年十二月二十二日。承准  
軍機大臣字寄奉

上諭。奕山等奏查覆籌備情形一摺。著奕山齊慎祁項各抒所見。  
分摺密奏等因。欽此。跪讀之下。仰見

訓示周詳。隨時警誡之至意。臣蒙

聖恩。簡授兩廣總督。地方乃臣專責。自三月以後。將軍奕山等會  
同臣籌辦攻勦防堵。不能迅奏膚功。掃除賊藪。以致多虞。

節餉時深悚懼。伏查辦理夷務情形。節經臣等會同具奏。茲欽奉

諭旨。著臣等分摺密奏。就臣愚昧之見。通盤籌畫。省城為全粵根本。省河為省城內戶。虎門為省城外戶。省河未固。則虎門礮臺不能修。虎門礮臺未修。則香港不能復。是以自本年七月。逆船分往閩浙各省。滋擾之後。即經選派老成官員。及本處紳士。將附近一帶河道。填石打樁。酌量堵塞。以阻夷船進省之路。經臣等分次周歷查勘。工料尚屬堅實。並以逆夷詭計多端。仍不能阻其內犯。故於石樁兩岸。擇地分建礮臺土牆。將補鑄及新鑄各礮。分撥安置。派定兵勇。



駐紮。若逆船駛入。為石樁所阻。我兵勇兩面開礮攻擊。較為得力。兼可守護石樁。此外最要次要各要隘。亦陸續建築礮臺礮牆。分段防守。合計新築及修復石礮臺及三合土礮臺共七處。土臺土牆約三十餘處。陸路通省各隘口。又復分派兵勇屯紮。似此固守嚴防。省城大局似可無虞。至虎門礮臺。共計威遠靖遠鎮遠及橫檔小橫檔鞏固永安大虎沙角大角共十處。現亦剋期興工。約計工程日期。如仍用石修築。即同時並舉。總須兩月外方可竣工。若用土築。可以速就。難以經久。亦須月餘方能完竣。且現鑄各礮位。除省河安置外。餘礮無多。不敷虎門應用。現在仍趕

緊鑄造。香港又懸處海中。無陸路可通。臣不敢謂遽能得手。惟思此事若再曠日持久。誠如

聖諭。虛糜帑項。株守省城。何時蕙事。臣早夜思維。萬分焦灼。現在奕山等再三籌商。應即一面修築虎門礮臺。並添派水陸壯勇。協同守礮兵丁防禦。其應次招來之海外各漁戶壯丁。前今在虎門外一帶駐紮。即一面令管帶之各頭目。將該壯丁等分路布置。及香港招回漢奸頭目。重其賞格。豫備攻剿。惟冀仰仗

聖主天威。早為集事。稍紓

宸廑。至走私接濟之匪徒。平日與逆夷狼狽為奸。在海洋讎難稽

查。如至內河。前已密飭各村鄉公正紳士。嚴行查察。斷其接濟。尚易為力。臣受

恩深重。惟有殫竭血誠。凡有關夷務。與奕山等隨事商辦。冀萬萬全。儻意見或有不合。亦即據實奏明。不敢以軍旅大事。稍為遷就。

諭軍機大臣等。前經降旨。飭令奕山齊慎祁墳。將現在辦理夷務情形。何時歲事。各抒所見。分摺具奏。茲據奕山奏稱。廣東虎門礮臺。不能不修。香港全島。不能不取。現在香港漢奸頭目。傾心報效者。已有十之五六。必須順潮出其不意。方可一炬而燼等語。齊慎奏稱。已將水戰器械等物。製備齊全。現在挑選兵勇。俟

新正風順。即水陸並進等語。祁項奏稱。虎門礮臺未修。則香港不能復。現在合計新築及修復礮臺共七處。土臺土牆約三十餘處。虎門礮臺十處。現亦尅期興工等語。所奏雖有主戰主守之不同。而毫無確見。則同為影響之談。殊失朕望。奕山等自派委辦理夷務以來。已及年餘。何於此事竟全無把握。自古用兵之道。無論或戰或守。皆必確有把握。乃能迅速奏功。若如奕山所奏。既稱香港不能不取。何以又云必須能守而後能戰。祁項稱為嚴防省城。大局似可無虞。又云香港無陸路可通。不敢謂遽能得手。似此游移無定。徒以重兵坐擁。每月糜費軍需三十餘萬。毫無裨益。何所底止。儻遷延日久。不能蕲功。再請軍需。豈能

復邀允准耶。茲特再行申諭。奕山祁墳梁寶常。會同妥議。從長籌畫。如省河一帶。漸次將礮臺石橋等件。修理鞏固。是否足以防禦外侮。即使逆夷由他省受創。承突而來。無虞竄入。可以議守。抑或兵勇器械等件。均已訓練齊整。剋期進攻。必能操勝。可以議戰。均著據實覆奏。朕亦不為遲制。若再徒托空言。支吾搪塞。自問當得何罪。又稱威遠等十處礮臺。如用石修築。兩月可竣。土築難以經久等語。自應用石堅築。以期久遠。將此各諭令知之。

靖逆將軍奕山參贊大臣齊慎兩廣總督祁墳廣東巡撫梁寶常奏。竊等承准軍機大臣字寄。道光二十一年十

一月二十一日奉

上諭。祁墳梁寶常奏。招集漁戶漢奸。妥為安置一摺。該將軍等務即通盤計較。迅速妥議。據實具奏等因。欽此。等。等伏查。此次招回漢奸。令其立功贖罪。本係開其自新之路。以圖可乘之機。況歷來逆夷之猖獗。全賴漢奸為羽翼。必須設法招徠。既足散其黨羽。兼可供我驅策。現據差往香港偵探夷情之義勇回稱。探得逆夷兵船在香港招集漢奸六百餘名。每名給安家銀三十圓。每月給工銀十圓等語。可見逆夷奸謀。仍以勾引漢奸為務。正不得不亟圖招撫。勉其帶罪立功。庶不致為賊用。此現在權宜辦理之法也。惟是若輩

心性虛常。蹤跡無定。誠如

聖諭。此時雖見招而來。安保不仍被誘而去。等語。悉心叢議。通盤籌畫。所有陸續投回漁戶漢奸三千餘名。業經安插虎門以外。揀派員弁督同頭目管帶酌給口糧船價。以備臨時調遣。體察目下情形。尚屬安靜。並無逃逸。且皆年力精壯。可期禦侮得力。至將來歲事之後。擇其實有才能可用者。優加賞賚。以示鼓勵。其次收入行伍。俾得食糧自效。如有輕弱不堪訓練入伍之人。有家者散令歸農。無家可歸者。或分撥內河各縣官設巡船。充當水手。以資餬口。並飭地方官編列各冊。隨時稽查。嚴加約束。儻敢別滋事端。仍可

指名嚴拏究辦。緣現值海氛未靖。此等漁戶漢奸。正宜設法羈縻。似未便早為解散。轉致逼令從賊。愈覺滋蔓難圖。諭軍機大臣等。奕山等覆奏。安置招集漁戶漢奸一摺。據稱逆夷猖獗。全賴漢奸為羽翼。香港尚有漢奸六百餘人。亟圖招撫。勉其帶罪立功。庶不致為賊所用。將來歲事之後。分別鼓勵。及收入行伍。有家者散令歸農。無家可歸者。或分撥內河各縣官設巡船。充當水手。並飭地方官編列名冊。隨時稽查約束等語。均著照所議辦理。惟此時權宜之計。招徠漢奸。免為賊用。日後歲事。該將軍督撫等。必當籌畫盡善。分別安置。如果實能悔過出力。不致再為利誘。則量材器使。俾有餬口之資。亦招安善策。儘



察看情形。未必人人可恃。是在該將軍督撫等分別妥為辦理。毋滋流弊。勿謂已邀允准。概視為真能運善之徒也。慎之。

祁項梁寶常又奏。道光二十一年十二月十四日。臣等接准戶部來咨。議覆臣等奏請續撥軍需銀兩一摺。又附片一件。均奉

旨依議。欽此。查部咨原奏內開。請以粵海關現收稅銀五十萬兩。並酌撥廣東省封貼銀五萬兩。就近歸還。以抵改撥安徽江蘇賑濟軍需各項銀兩之數。又附片內稱。查本年五月。據臣祁項奏明籌辦夷務。先後動撥粵省藩關運三庫共銀九十三萬四千兩。內藩庫銀十五萬兩。係解往佛山分

局備用。前次奏報用過銀四萬兩。計存銀十一萬兩。此次原奏聲敘共用過銀八十二萬四千兩。覈算此款並未在內。又不列入存貯項下。自係遺漏。請

旨飭將佛山分局未用銀十一萬兩。一並覈入存貯款內備支。各等因。臣等當即欽遵轉行查照。將粵海關稅並藩庫封貯銀兩。如數撥出存貯備支。至前次佛山分局用贖銀兩。查係由藩庫暫行提往備用。續於用過銀四萬兩後。因佛山鑄礮及支發一切。仍係由省局領支。即將贖銀十一萬兩歸還藩庫原款。是以前奏未經敘列。茲准部咨。亦即遵照一並由藩庫提出。覈入軍需項內備支。其原貯江西軍需

銀兩。經戶部改撥安徽江蘇銀款外。所餘軍需餉銀五十萬九千兩。先因辦理防堵一切事宜。亟須支應。業經埽數提解來粵。發局支應。又臣等遵

旨。曉諭粵省紳民。努力輸將等因。現據洋商呈請捐銀八十萬兩。鹽商呈請捐銀四十萬兩。該商等每月共繳銀二十萬兩。按六限繳完。稟請臣等奏懇

賞收。又據粵省紳民人等。陸續捐輸銀兩。或繳現銀。或捐資鑄礮築臺。辦軍械。約計二十萬兩。並出力而又捐資各紳士。容臣等會同將軍奕山等。隨後分別查明。開單恭摺具奏。臣等通盤籌畫。覈計存貯及報捐銀數。明春如無意外支

銷。尚可敷數月之用。

祁墳梁寶常又奏。竊臣等前於十月十五日。承准軍機大臣字寄。奉

上諭。祁墳等馳奏。遵查越南國人阮得烘。呈稱暎夷猖獗。專恃船堅礮利。該國所造之船。頗為堅厚。如中國給該國王文書。即可代造。著祁墳梁寶常確加查訪。該國船礮火器。是否精於暎逆所為。該國王有無至誠效順之意。逐一設法探詢確實。即行奏聞等因。欽此。臣等以此事所關重大。必須查探明確。不敢稍有虛飾。因思現任欽州知州黃定宜。籍隸廣西龍州。其在籍時。應有所聞。而欽州地方。又與越南接壤。就近訪查。亦易

得實。當即嚴密飭行該州。詳加訪察。一面會同隨時密訪。有常往越南貿易之順德縣民人周彥才。及瓊山縣民人陳姓。現在省城。詳加詢問。據周彥才口稱。本年八月。伊甫自越南起身回家。越南現因暎夷滋事。亦隨時警備。約造有戰船七八隻。每船三桅四十餘槳。柁用長木直板。船身則以硬木為之。厚或五六寸。或七八寸不等。又另有敝造暎咭喇之屬。國新洲貨船約十餘號。亦硬木製造。皆堅重有餘。而靈動不足。該國銅礮頗少。鐵礮亦不甚大。又該國寓兵於農。其打仗多以衆力取勝。但能陸戰而不善水戰。該國由都城出港之十餘里。始為大海。各外國貨船。如至

該國議明入港後。該國先將各國船中礮械搬至岸上。代為看守。俟出港時送還。看來越南向怕各國在其本國滋事。並未聞嘆逆有畏懼越南之說。訪之陳姓所言。亦大畧相同。又訪聞所募鄉勇中有礮手林九其人。從前曾被張保招去。後經改過投回。復為良民。曾幫張保與越南打仗。必知底細。隨令管帶鄉勇之可靠紳士。密向查詢。據稱越南戰船有金蟹銀蟹之名。如天津來粵貨船式樣堅牢而不能快駛。其內船有名牙釵者。長十餘丈。闊二丈。槳百枝。亦看風勢為遲速。曾被張保打沈數隻。看來難與嘆美對敵等語。又據欽州知州黃定宜稟稱。本籍龍州地方與現

任之欽州。均與越南之東北境毗連。惟距該國王駐紮之富春地方。尚有二千餘里。其海防船隻製作。未能深悉。就平日傳聞。該國向製巡洋大師船二隻。悉令附近居民合力採取堅巨大木。輪納成造。以銅包底。故俗呼為銅皮船。約載二百餘人。至三百人不等。此項船隻。料件雖堅。滯笨不靈。此外復有巡洋小兵船。多用簾蔑穿紮而成。俗名藤船。止可坐二三十人。或四五十人。其船行駛較便。第遭風撞礁。即行破散。前此該國王令夷官修造巡船。大者幾及數月。小者亦幾一月始竣。是木料雖多。而工匠未見迅速。且查道光二十年間。該國夷目阮廷豪等兵船。在崖州洋

面遭風沈船。遞至欽州。轉送回國。有撈獲銅礮三位。一重八十餘斤。一五十餘斤。一止三十餘斤。式樣與內地過山烏槍相似。又聞越南現聞暎夷滋事。亦慮患及該國。自去冬即有添造戰船之舉。至今尚未畢工。時時託人探聽暎夷消息等語。又檢閱檔案。道光十二三年間。該國奸民陳加海。糾結內地遊匪楊就富等。在夷洋狗頭山嘯聚劫掠。曾經該國以兵力不足。請內地舟師前往幫捕。始能殲厥渠魁。可見該國巡船。並不得力。臣等查廣東省雖距越南稍遠。然該國情形。現在節次嚴密訪查。大畧相同。伏思該國世受



天恩素稱恭順。現在國王阮福暉新受

敕封。尤當感

恩圖報。如果該國船堅礮利。兵力精強。斷無不竭誠報效之理。而該國王並未恭進表文陳請。亦未呈懇督撫據情轉奏。其為力不從心。未能與暎夷為難。已可概見。

諭軍機大臣等。據祁項等奏。覈計存貯及報捐銀數。僅數月之用等語。該省現存銀兩。究可敷幾月用度。現在辦理夷務。尚無歲事之期。曠日持久。虛糜糧餉。伊於胡底。著該督等通盤籌畫。從長計議。據實具奏。所有洋商鹽商紳民人等。捐輸銀兩。及捐資鑄礮築臺。置辦軍械。並捐資出力各紳士。均著該督撫會同

該將軍查明捐輸姓名銀數。分別開單具奏。候朕施恩。至所查越南國船礮火器情形。覽奏甚為詳細。該國既不能與倭逆抗拒。著毋庸議。

丁卯。揚威將軍奕經參贊大臣特依順奏。竊等。等於正月初七日。承准軍機大臣字寄。道光二十一年十二月二十七  
日奉

上諭。本日劉韻珂奏。代理餘姚縣事司獄林朝聘。親赴夷船。諭以大義。斥令退回。以安黎庶等語。以微員而能勇敢。尚屬可嘉。著將軍等查明保奏。施恩等因。欽此。等查上年十二月初七日。喚逆復入餘姚。據代理知縣衢州府司獄林朝聘稟稱。因

該城守兵單弱。取寡懸殊。戰守俱難。於初八日帶同水勇陳美金等親登夷船。曉諭情理。該夷欲將該員帶去。經兩岸民人同聲阻留。該逆因見取怒難犯。即將該員放回。開船而去等因。由巡撫劉韻珂據稟具奏。欽奉

諭旨。令茅等查明保奏。茅等遵即札飭委員詳查稟報。茲據現在曹江辦理糧臺前任福建藩司鄭祖琛稟稱。該司就近派員密赴餘邑訪查。縣城內外紳民並同去之水勇人等均稱。此次夷船復至。餘姚該代理縣聞有欲燒民房之語。即率同水勇家丁親上夷船責以

天朝待汝不薄。因何屢次擾害百姓。逆夷見其聲色嚴厲。即欲

帶往甯波。經兩岸觀看居民。同聲阻留。始將該員放回。開船而去等語。眾議僉同。並無捏飾。等語。查浙東各城。自逆犯順以來。該地方官大率怯懦。無能。聞風先避。以致逆夷猖獗。肆行滋擾。此次該逆復犯。餘姚代理知縣林朝聘。以佐雜微員。暫攝縣事。竟能親登夷船。責以大義。雖逆船旋復退走。未必即由該員斥退。而該司獄奮不顧身。勇敢有為。殊堪嘉尚。現奉

諭旨查明保奏。合無仰懇

天恩。將代理餘姚縣衛州府司獄林朝聘。留於浙江省。以縣丞儘先補用。並請

賞戴藍翎以昭激勵。

諭內閣。前據劉韻珂奏。喚逆復犯餘姚。代理縣事司獄林朝聘親赴夷船。斥令退回。當諭令奕經等確查保奏。茲據該將軍等查明。請將該員以縣丞儘先補用等語。逆船復犯餘姚。姚意圖肆擾。該代理知縣林朝聘。因聞有欲燒民房之語。即率同水勇家丁親上夷船。責以大義。聲色嚴厲。該逆旋即開船而去。實屬勇敢有為。林朝聘著加恩以知縣儘先升用。留於浙江遇缺即補。並給予六品軍功頂帶。賞戴藍翎。以示激勵。

戊辰。浙江巡撫劉韻珂奏。本年定海失守。定海鎮總兵葛雲飛。處州鎮總兵鄭國鴻。壽春鎮總兵王錫朋。同時陣亡。

奉

旨除照例賜卹外。加恩各賞銀五百兩等因。欽此。臣當查葛雲飛鄭國鴻陣亡之後。據定海縣民將其屍身送至鎮海軍營。轉送甯波棺斂。經前

欽差大臣裕謙於軍需款內。各提給銀三千兩。以資喪費。經臣奏請將該二員

恩賞銀兩。毋庸再給。惟王錫朋屍身無著。裕謙並未飭給喪費。其恩賞銀五百兩。仍應移咨直隸原籍。照數動給。欽奉

硃批。依議行。欽此。欽遵在案。今王錫朋屍身。經定海縣職員張光瑞等尋獲。薄斂。協同六安營守備朱淮源等護送曹江軍

營。稟經前任福建藩司鄭祖琛飭令轉護來省。臣以該鎮屍身果否真確。必應詳加辨認。方無錯誤。適該鎮長子王承泗由壽春來浙。認明實係伊父屍身。臣即飭局另備棺木衣衾。以禮棺斂。令王承泗扶襯回籍治喪。惟查該故鎮與葛雲飛鄭國鴻同係為

國捐軀。且於陣亡之後。暴露多日。情尤可憫。葛雲飛等已經裕謙給予喪費銀三千兩。由臣奏蒙

允准。而該故鎮家屬所領。祇

恩賞銀五百兩。似未免向隅。合無仰乞

鴻慈。一體給予銀三千兩。俾令治喪。如蒙

俞允侯

命下之日。再行移咨直隸督臣。於該省藩庫內。補給銀二千五百兩。傳屬具領。又狼山鎮總兵謝朝恩。係在鎮海陣亡。屍身無著。經臣奏奉

恩旨。賜卹。可否照葛雲飛等之例。亦一體照數給予喪費之處。並乞

聖裁。

諭內閣。劉韻珂奏原任壽春鎮總兵王錫朋屍身。現已尋獲。棺斂。請再加賞喪費等語。上年定海陣亡各鎮。所有葛雲飛鄭國鴻。均經於軍需款內。提給銀三千兩。王錫朋因屍身無著。並未飭



給。該鎮為國捐軀。事同一例。現在其子扶柩回籍治喪。自應照  
葛雲飛等之例。一體給予喪費。王錫朋除前已恩賞銀五百兩  
外。著直隸總督於該省藩庫內補給銀二千五百兩。傳屬具領。  
以示優卹。至狼山鎮總兵謝朝恩。前已有旨。交部賜卹。現在屍  
身無著。且與王錫朋等臨陣捐軀。已得確據者。究有區別。著毋  
庸另給喪費。

壬申。揚威將軍奕經參贊大臣特依順奏。竊。等前將逆  
夷情形。節次具奏在案。現在各路勇壯。由等調撥分伏  
各城內外。俟臨期接應官兵。同時勦襲。即就近探視逆夷  
舉動。節據各路來稟。紛紛不一。大約逆夷知大兵已到。中

情畏怯。東駛西竄。來去無常。除夷目郭士立仍在郡城居住。嘖嘖喧時在城內。時在船中。行蹤詭秘。不令人知。又定海有夷船開行時。各夷眾俱流淚相送。亦不知其何情。三城夷匪。惟甯郡為最多。約有數千。而時常增減。究無確數。每日分隊操演。用馬駕礮。各處河口。俱有船隻把守。金雞招寶山上。排列大礮。山下一帶。排列大船十餘隻。定海衛頭岸口。亦有大船六七隻。各船俱掛紅旗。各城門樓上。密排大礮。或向裏。或向外。復詐稱由洋來船。增添夷兵。其意似知我兵已有埋伏。而又未能深得詳細。以故各處張貼偽示。聲稱不許村市地方。藏匿兵勇。仍復遣人各處瞭望。又

時常駕駛小船多隻。四出撿羅。如上年滋擾餘姚奉化故智。用以詐嚇我兵。欸等所遣勇壯。各處分頭潛伏。不令逆夷探知。間有猝與夷探相值。亦即與接仗。現在連接稟報甯郡之靈橋門外江下地方。及定海西門外。均經斬殺白黑夷匪。彼時因恐逆夷大眾知覺。已將屍身掩埋。或投入海中。未能呈驗首級。又定海城東。生擒黑夷一名。餘姚所屬之石山渡。突有夷船四隻駛入。當經帶領勇壯委員等攻擊。殺死夷匪多名。斬取白夷首級一顆。生擒黑夷一名。俱先後解送來營。現將白夷首級。仍令解回曹江懸示。其黑夷二名。暫行押禁待質。至各路斬獲夷匪之委員勇壯。

已由鄂等分別酌賞頂帶銀兩以示獎勵。鄂等現仍札飭各該委員。曉諭勇壯人等。各路潛伏逆夷。未來侵擾。毋許輕動。免致賊情生疑。聞風先遁。大兵即日進剿。彼時再併力接應攻擊。庶可聚族殲旃。以伸

天討。

奕經等又奏。竊鄂等於正月初四日。承准軍機大臣字寄。道光二十一年十二月二十七日。奉

上諭。該逆曾交水勇陳美金夷字二紙。是何不理。亦著譯出一併具奏等因。欽此。竊鄂等前因代理餘姚縣林朝聘。以逆夷二次到餘。留有夷字二紙。呈送前來。當即照會浙江巡撫劉韻

珂令覓緇譯夷字之人。旋准該撫將留浙之廣東通事江彬送到行營。等當派隨帶司員刑部員外郎胡元博傳問江彬。令其緇譯。乃該通事自稱但知夷語。並不認識夷字。等復飭該司員細向盤詰。知其在廣東即與安突德嗎哩噠等。均相熟識。當將夷字用油紙描出。令其往我能譯夷字之人。該通事應允。並問詢大兵何時進剿。等料知該通事必前赴甯郡。向夷人央譯。而又借能知我大兵情形。向該逆侈說。因令該司員告以等此時駐在嘉興。未必進兵等語。嗣後該通事由甯回杭。據稱親往甯郡。見郭士立安突德二人。已將林朝聘所呈夷字二紙譯出。並

稱是日林朝聘上船時。逆夷欲將該司獄帶回甯波岸上。百姓聲嚷阻止。因彼此言語不通。百姓寫給不可將伊官帶去字樣二紙。船上夷人即做還二紙夷字。僅係收文月日。及逆夷郭士立等姓名。亦無別樣言語。當將餘姚百姓投交該逆字樣。及該逆付還該百姓等字樣各二紙。又據該通事將郭逆交伊漢字一紙一併呈出。再等前聞逆夷在甯郡掠索商民洋銀一百餘萬。該處商民因一時湊備不及。被其監押勒贖。等不知該逆是何意見。該商民等又何以遽肯湊備如許之多。且恐逆夷如囊橐已飽。揚帆遠遁。我軍或不得大張撻伐。因知鎮海營外委陳志剛。

前曾由伊里布遣往定海與逆夷等認識當即調到行營令其前往甯波一帶在民間探聽虛實等亦默料其必暗覓夷人詢問借可偵知逆夷近日動靜該弁果於正月初三日回營稟稱伊曾面見郭士立據云如要講和現有廣東様子並稱民間湊銀尚不十分真確等語亦呈出郭逆給與漢字一紙等查閱該逆所呈字樣雖言語不甚明晰而其意總以講和為辭是其畏懼之心已可概見等現在布置兵勇一切事宜已有頭緒俟各路俱妥即赴此該逆自餒之時剋期進剿仰賴天威自不難一鼓成擒殲除醜類

硃批將計就計。深得用兵之道。

諭軍機大臣等。奕經等奏探視逆夷近日情形。並各路勇壯。節次斬獲白夷黑夷各緣由一摺。所辦甚好。據稱逆夷知大兵已到。中情畏怯。東駛西竄。來去無常。又時駕小船多隻。四出接應。詐嚇我兵等語。逆夷出沒分竄。顯係畏怯。現在各路壯勇。斬殺白黑逆夷。並生擒黑夷二名。難保該逆夷等知覺不早作準備。該將軍等於進攻一切機宜。務當十分嚴密。不可稍有漏洩。仍著札飭各該委員。曉諭勇壯人等。各路潛伏。毋許輕動。免致賊情生疑。聞風先遁。該逆現既倉皇無備。趁此機會。分路勦襲。似易得手。朕並非催促進兵。總之行軍之道。全在審時度勢。固不可



冒昧輕進。尤不可坐失事機。諒夷經等必能計出萬全。速建大勲。以膺懋賞。朕亦不為遲制也。另摺奏遣通事江彬外。委陳志剛前赴賓郡等語。將計就計。深得用兵之道。

於酉。京口副都統海齡奏。竊。前因鎮郡城垣捐修未竣。曾經懇請。

敕下督撫。催令趕緊修整。以資防守等因。具奏在案。續經常鎮道但明倫。鎮江府知府祥麟。督飭署丹徒縣知縣錢燕桂。署理事同知候補知府李鏗。勸諭紳士。捐資趕緊修竣。於本年正月初六日具報前來。等因。周悉履勘。俱已完整。惟有督飭官兵晝夜巡防。伏查鎮城西南逼近運河。北濱大江。瞬

居南漕北上。誠如

聖諭瓜洲河口。為南五省總匯扼要之區。所關匪細。始經江督牛  
鑑奏明。屆期專委常鎮道。督同揚州鎮江二府知府。並嚴  
飭鎮江揚州等營。及水師營弁兵。彈壓護送。查國山要隘。  
原設防堵水師營兵八十名。復經江督牛鑑添撥兵五十  
名。又經常鎮道但明倫於附近國山地方。團練鄉勇三百  
名。以壯聲勢。等看得瓜洲相距海口不過六百餘里。現值  
東南風司令。漸次潮水漲旺。江中雖有淤沙。而狼福一帶。  
江面遼闊。逆夷大船固難駛至。而杉板釣船。未敢保其不  
來。兩岸要隘。雖經添派官兵防範。奈厥力未能擊及江心。

至京口南岸東馬頭。經督派撥官兵礮位防堵。並有江甯副都統興倫帶領官兵協防。堪以堵截陸路。其江中並未設備船隻木筏鐵練矛纜等件。攔江堵截。不日南糧連檣北上。僅有疏虞。關係甚重。江督牛鑑防堵上海。蘇撫程喬采駐紮蘇州省城。均關係要。於長江險扼處。所未能身臨查勘情形。實因勢難兼顧。且去歲九月間。正在前督不准商船入口之際。經督查有糖船多隻。泊於京口江面。詢由崇明海口而來。曾經咨行蘇撫查辦。足見狼福海口並無巡查攔阻。當此漕運之時。誠恐狡逆漢奸。或駕駛杉板釣船。抑或混迹商船。乘隙潛入。在在堪虞。督籌思至再。曷敢稍

存大意。愚昧之見。仰懇

敕下督撫籌酌。責成常鎮道。招募水勇。雇覓船隻。備辦木筏等件。會同水師副將。督率弁兵。於鷺鼻背園山要隘。相度情形。攔江堵截。可期水陸交嚴。使逆夷漢奸。聞其聲勢。不敢窺伺京口江面。庶免貽誤。

諭軍機大臣等。據海齡奏。瓜洲距海口不過六百餘里。現值東南風司令。潮水漸旺。江中雖有淤沙。而逆夷杉板釣船。未能保其不來。請飭該督撫。責成常鎮道。招募水勇。雇覓船隻。備辦木筏等件。會同水師副將。督率弁兵。於鷺鼻背園山要隘。相度情形。攔江堵截。可期水陸交嚴等語。瓜洲為南省漕船經行要路。距

海不遠。當此逆氛未靖之際。必當加意防範。以免疏虞。海齡所奏是否可行。著牛鑑程商酌量情形。會議具奏。

丙子。閩浙總督怡良。福建巡撫劉鴻翱奏。竊臣怡良於道光二十一年十二月初十日。承准軍機大臣字寄。道光二十一年十一月二十日。奉

上諭。據御史龔文齡奏。福州海口。以五虎門為門戶。一進口門。金牌實為扼要。近聞籌辦海防。處處設兵。而於金牌要害之區。防堵轉形鬆懈等語。著怡良。劉鴻翱詳細查明。妥議具奏等因。欽此。臣怡良因會同撫臣劉鴻翱。帶同原辦升任浙江運司常大澂。於二十一日。從南臺下船。將以前籌辦之處。逐一履

看。查福建省城距五虎門海口凡一百六十餘里。兩岸重山峻峙。形勢繚曲。浙江江面上游之水。從省城西北匯注。至洪山橋之上。分而為二。一由洪山橋流入。即出南臺大橋者是也。一由洪山橋外東南流。為烏龍江。至峽南峽北。兩水合流。從羅星塔北行。至閩安鎮。復東南行至南北岸。分流為二。經金牌之前後。更數十里。而至五虎門。其南為梅花港。此即大洋內外之界。向來浙江天津等船。從五虎門入。廣東之船。從梅花港少北之道。蕉門入口。是為福州之第一重門。其次則金牌長門。又其次為閩安鎮之南北岸。一路水勢深闊。凡有扼要之處。自臣劉鴻翱抵任後。

俱已相度地勢。設兵安礮。而風潮漲發。迅於激矢。甚有轟擊所不能及者。因於距省三十里之少岐地方。就河身稍狹。兩岸稍寬。可以屯兵設伏處。所用船載石沈塞。復用大石。四面鑲築成堆。更於淺處釘品字樁。以防潮漲時從旁駛入。兩頭各設木牌數層。使之挂淤。大號船隻。便不能肆行闖入。此實省城最要藩籬也。茲該御史所奏金牌地方。誠為扼要之所。然與長門相距。水面寬至一百一十餘丈。深至十二三丈不等。水勢湍急。非風潮正盛。不能過行。既已駕駛而來。瞥眼即過。況水道由東南而至西北。不得不迎頭安礮。然轟擊時。盡在下風。必有煙鼓迷目之患。且長

門從水中直起就塲之高下安設大小礮十四位設兵三百名益以鄉勇練勇勢亦不能擬憎山後即有鄉村兵房軍火皆可就近接濟惟金牌山脚直插水中並無寬闊處所就山麓開鑿以建兵房安礮十七位設兵二百八十名業已擁擠之至況前俯大海後皆峻嶺此外別無村舍民居不通陸路亦非兵家所宜不過權宜設置與長門相為倚角去金牌長門里許有二小石阜名為南龜北龜中係舟行港路此地海面甚寬並非處處皆有礁淺且潮至各增二丈則暗礁皆在水底大船便不止二三隻可行且金牌之後有港路可以越過雖亦設有兵礮而寫遠不能得



加故臣劉鴻翔再四斟酌深惜金牌限於地勢長門兵難  
多容擬於閩安鎮之南北岸用石填淺兩岸設立重兵防  
守則水路別無可通之處閩安近在咫尺可以策應陸路  
亦不患其踈躪惟水面寬至一百四十餘丈深至十二三  
丈不等水勢太寬太深中流更形剝疾前經數四籌畫費  
屬人力難施不能填塞非敢舍要隘於不顧如該御史所  
奏防堵轉形鬆懈也至烏龍江在少岐攔截之外上通洪  
山橋去西門十里不可不豫為籌及雖峽南峽北以內水  
勢漸淺而春夏盛漲之際與平時不同故於距城二十里  
之洪塘河中釘品字木椿四層中留口門以防杉板駛入

並於岸傍樹林中暗藏兵礮。既以護橋。復攔入城之陸路。早為豫備。臣等於查勘金牌後。至省城會同將軍臣保昌。率同司道等。復由陸路至洪塘細勘。據土人稱說。此河自洪塘以下三十餘里。深淺不一。有潮退後不過四五尺者。彼處大船難以駛進。其言似屬可信。臣等以該御史籍隸福州。聞見較確。且關懷桑梓。即以綏靖夷氛。不厭精愈求精。以期嚴密。故水陸並勘。悉心妥議。與將備等反覆講求。要隘皆有準備。祇須就已填者。時加測探。遇有坍塌者。補之。卑矮者。增之。總不令驚擾會垣。則元氣自不傷損。不置兵勇於危險之地。則臨敵自能堅定。然目前籌備守禦之

策未可遇事張皇。致令經費先已虛耗。是以各處派定兵勇之外。復令各鄉團練。萬一有警。即可隨時加增。以資捍衛。

怡良等又奏。臣等承准軍機大臣字寄。奉

上諭。臺灣為閩海要區。此次駛入逆船。該總兵等殲戮難保無匪船闖入。冀圖報復。現據奕山等奏。逆夷有遣人回國。添調兵船。於明春滋擾臺灣之語。該總兵等接奉前旨。後於一切堵剿機宜。自己先事豫籌妥協。現在情形若何。有無續來滋擾。萬一該逆大隊復來。該處駐守弁兵。及招募義勇。是否足資抵禦。其如何定謀決策。層層布置。可操必勝之權。著連洪阿等會同王得

祿悉心定議一併會銜具奏並著怡良等密速確探現在情形據實奏聞等因欽此臣等當即恭錄二分一由省港五虎門一由泉州蚶江分船配渡移行臺灣鎮道會同王得祿遵旨悉心定議具奏外謹將臺灣道姚瑩臺灣府知府熊一本會稟札查布置情形先行奏

聞據甯臺灣惟噶瑪蘭之蘇灣淡水廳之鷓籠港尾三口係大山高聳中央口門可以據險憑高餘皆沿海平沙一望無際雖有沈沙暗礁數處素稱天險而郡城西臨大海城外即水僅恃安平一鎮橫亘為衛然東西不及二里長與南北二沙迤邐相連今守郡城舍安平更無退步惟城係土築

未可言堅現更用大竹編為夾牆互數百丈中實沙土高有五尺厚有丈餘藉為我兵避礮之具復挖長濠下埋釘桶以陷登岸之匪港門內橫列大木數排上安千斤礮各一門以為攔截更架棉包牛皮中藏勇士伺敵將近以礮擊之前以大木數百頭上釘尖銳大鐵撓鈎中貫巨簾以撓其杉板木牌後用竹筏停泊儘敵礮破我木牌則棄礮於水人登竹筏而退誘其上岸擊之支港內則釘梅花木樁以阻其闖突安平之北隔港六里為四草亦砌築石壁夾牆七十餘丈內設兵勇礮位以防敵人占擾過四草五里則鹿耳門廢港用石填塞更六七里為國賽港其處水

口寬深。以不堪修葺。哨船鑿沈。堵塞港內。仍設鄉勇屯下。對岸一帶。復聯集村莊。圍練壯丁。設伏以防登岸。安平之南。距礮臺七里。為三鯤身。有新開港口。水深丈餘。現用大竹簍載石堵塞。守以鄉勇。復於對岸。聯集村莊。練勇設伏。以待。更南六七里。為喜樹。係小港。地頗荒僻。居民甚雜。尤防草鳥賊船闖入。亦聯集村莊。圍練壯丁。以為伏兵。郡城西面。圍木柵七百餘丈。中安礮臺三座。多設壯勇分守。復募壯勇二千四百名。協同弁兵。分守八門。城內各街。責成紳士鋪戶。各募壯勇。共二千餘人。巡防街柵。稽查奸宄。所屬之鳳山縣。距海口二十里。嘉義彰化。距海口七十餘里。

淡水廳距海口十里。噶瑪蘭廳距海口五十餘里。情形較緩。惟淡水之港尾。即八里坌。一水三十里。直進艋舺。彰化之番仔窰。一水三十里。直達鹿港。商貨雲集之所。杉板可至他如嘉義之笨港。鹽水港等處。市井雖稠。港道淺狹。並杉板亦不能到。惟有於各海中擇其地有要隘。可以退伏者。將礮勇酌量分撥。半守口門。半為埋伏。誘其入而殲之。儻或地勢不便。則量為變通。各等語。臣等竊思防守事宜。必須因地布置。姚瑩等雖已逐節準備。而粵中有此傳言。不可不慎之。又慎。惟相距太遠。風汛靡常。臣等未便遥制。查去年九十兩月。該鎮道奏報之件。於十一月間始得內

渡並無夷船在彼此時相去未久情形當亦無異現在設法四處探聽一有確切之信即行隨時馳奏以慰

宸廑

諭軍機大臣等怡良等奏會勘金牌海口情形一摺前據御史龔文齡奏福州金牌海口緊要降旨令怡良劉鴻翔詳查議奏茲據怡良進省會勘該處水面寬一百十餘丈深十二三丈不等其山脚直插水中並無寬闊處所不宜多設兵礮惟距省三十里之少岐地方河身稍狹兩岸稍寬可以屯兵設伏業已用船載石沈塞復用大石四面鑲築成堆更於淺處釘椿設礮大船不能闖入烏龍江在少岐攔截之外上通洪山橋業已豫籌於距



城二十里之洪塘河釘品字木椿四層藏兵護椿等語覽奏均  
悉金牌長門地方或限於地勢或難容多兵現在各處要隘皆  
有準備著怡良劉鴻翔督率員弁時加測探遇有坍塌卑矮處  
所隨時增補以期有備無患仍不得遇事張皇致經費先已虛  
耗是為至要又另片奏臺灣防守事宜業已運節準備惟該處  
地方緊要逆夷屢經敗衄難保無大幫逆船乘潮駛入冀圖報  
復著怡良等飭知連洪阿姚崇並王得祿嚴密防守務操必勝  
之權不可因屢獲勝仗稍存大意並著怡良等設法探聽有無  
滋擾確信隨時馳奏